

Cadang baiki kediaman
penjawat awam

4

250,000 kunjungi
pesta buku negeri

6

RM178,000 bantu naik
taraf lima sekolah

14

KHSB sasar bina
200,000 rumah

9

selangorkini

PERCUMA

PP 19570/07/2020 (035196)

EDISI 14 - 20 DISEMBER 2023

www.selangorkini.my

Pelihara hak Melayu, kesucian Islam

MUKA
4



Duli Yang Maha Mulia (DYMM) Sultan Selangor Sultan Sharafuddin Idris Shah Alhaj berangkat ke Balairung Seri selepas menyempurnakan Istiadat Pemeriksaan Kawalan Kehormatan Utama sempena Ulang Tahun Hari Keputeraan ke-78 Baginda di Istana Alam Shah, Klang pada 11 Disember 2023. Baginda diiringi DYMM Tengku Permaisuri Selangor Tengku Permaisuri Hajah Norashikin, DYTM Raja Muda Selangor Tengku Amir Shah dan Dato' Menteri Besar Dato' Seri Amirudin Shari. Foto AHMAD ZAKKI JILAN ►LAGI FOTO MUKA 12&13

Abdul Aziz kekal pengerusi Mais

SHAH ALAM - Duli Yang Maha Mulia Sultan Selangor berkenan melantik Tan Sri Abdul Aziz Mohd Yusof sebagai pengerusi Majlis Agama Islam Selangor (Mais) bagi sesi 2024 hingga 2026.

Pelantikan itu disempurnakan Sultan Sharafuddin Idris Shah Alhaj dalam istiadat Pengurniaan Watikah Pelantikan Anggota Mais di Istana Bukit Kayangan, di sini pada 4 Disember, lapor Bernama.

Baginda turut berkenan menyampaikan watikah pelantikan empat anggota Mais baharu, menjadikan keseluruhan 22 anggota berkuat kuasa antara 1 Januari 2024 hingga 31 Disember 2026.

Mereka ialah Orang Besar Bergelar Tengku Seri Andika Diraja Tengku Datuk Iskandar Shah Tengku Ismail Shah Alhaj dan Profesor Pusat Pendidikan Antarabangsa dalam Kewangan Islam Prof Dr Ashraf Md Hashim.

Dua lagi adalah pensyarah kanan Fakulti Pengajian Islam Universiti Kebangsaan Malaysia Prof Madya Dr Salasiah Hanin Hamjah dan perunding bebas Mohamad Izam Mohamed Yusof.

Negeri beri sokongan moral

SHAH ALAM - Bantuan sokongan moral dan psikologi akan diberi kepada keluarga kanak-kanak autisme Zayn Rayyan Abdul Matin yang ditemui meninggal dunia pada 6 Disember.

Dato' Menteri Besar Dato' Seri Amirudin Shari berkata perkara tersebut dibuat sebaik siasatan polis selesai berikutnya kes terbabit diklasifikasikan sebagai kes bunuh.

"Saya rasa biar polis selesaikan tugas sebelum kita melihat situasi untuk membantu mereka yang memerlukan terutama ibu bapa kanak-kanak itu."

"Sudah pasti Kerajaan Negeri akan memberikan sokongan padu kepada keluarga (arwah) terutama daripada segi moral dan psikologi," katanya baru-baru ini.

IMBAS DI SINI akbar digital minggu lepas

PESTA BUKU SIRIF SELANGOR 2023
1-10 DIS 2023
selangorkini
Dapat RM88.8 dalam lima tah
Selamat datang ke Pesta Buku Sirif Selangor 2023! Dapatkan hadiah eksklusif dan menarik semasa anda menghadiri pesta buku ini. Jangan lepaskan peluang untuk mendapatkan buku-buku terbaik dengan harga yang bersahaja. Sambut akhir tahun dengan membaca dan belajar bersama-sama. Selamat bertemu!

Permaisuri dianugerah Darjah Kerabat

KLANG - Duli Yang Maha Mulia (DYMM) Sultan Selangor berkenan mengurniakan darjah dan bintang kebesaran kepada 97 penerima termasuk Raja Permaisuri Agong sempena Hari Ulang Tahun Keputeraan ke-78 Baginda pada 11 Disember.

Sultan Sharafuddin Idris Shah Alhaj menganugerahkan Darjah Kerabat Selangor Yang Amat Dihormati (D.K) kepada Tunku Azizah Aminah Maimunah Iskandariah dan istiadat akan berlangsung pada 14 Disember.

Baginda berkenan mengurniakan Darjah Kerabat Selangor Kedua (D.K.II) kepada Ahli Dewan Diraja Selangor Tengku Dato' Setia Putra Alhaj Tengku Azman Shah Alhaj.

Darjah Kebesaran Seri Paduka Mahkota Selangor (S.P.M.S.) yang membawa gelaran Dato' Seri diberikan kepada Panglima Angkatan Tentera Jeneral Tan Sri Mohammad Ab Rahman dan Ketua Polis Negara Tan Sri Razaruddin Husain.

Pegawai pentadbir negeri turut menerima darjah dan bintang kebesaran:

Darjah Kebesaran Dato' Setia-Sultans Sharafuddin Idris Shah (S.S.I.S.)

- Setiausaha Kerajaan Negeri Dato' Setia Haris Kasim
- Pakar Runding Urologi Pusat Perubatan Subang Jaya Prof Dato' Setia Dr Tan Hui Meng

Darjah Kebesaran Dato' Paduka Mah-

kota Selangor (D.P.M.S.)

- Pegawai Kewangan Negeri Dato' Dr Ahmad Fadzli Ahmad Tajuddin
- EXCO Kerajaan Tempatan Dato' Ng Suee Lim
- Ketua Polis Selangor Dato' Hussein Omar Khan

Darjah Kebesaran Dato'-Sultan Sharafuddin Idris Shah (D.S.I.S.)

- Datuk Bandar Subang Jaya Dato' Mohd Fauzi Mohd Yatim
- Yang Dipertua Majlis Perbandaran Klang Datuk Noraini Roslan
- Pengarah Pejabat Tanah dan Galian Negeri Dato' Dr Yusri Zakariah
- Timbalan Mufti Selangor Prof Madya Dato' Dr Miszairi Sitiris

Amalan pentadbiran telus

Titah audit penyata kewangan masjid

Oleh **ZAREEF MUZAMMIL**

KLANG - Duli Yang Maha Mulia Sultan Selangor menitahkan semua pengurusan masjid dan surau di negeri ini menyediakan penyata kewangan tahunan beraudit untuk disemak.

Sultan Sharafuddin Idris Shah Alhaj bertitah Majlis Agama Islam Selangor (Mais) perlu memastikan dokumen berkenaan disediakan supaya pengurusannya melalui tatakelola yang betul.

"Pengurusan perolehan juga perlu

diurus dengan tatakelola betul agar tidak melibatkan ketirisan, penyelewengan dan salah guna kuasa," titah Baginda pada 7 Disember.

Sebelum itu, Baginda berkenan melancarkan Buku Garis Panduan Pengurusan Kewangan, Perolehan dan Aset Masjid dan Surau Negeri Selangor 2023 terbitan Jabatan Agama Islam Selangor (Jais).

Majlis di Istana Alam Shah di sini disertai Duli Yang Teramat Mulia Raja Muda Selangor Tengku Amir Shah, EXCO Agama Islam Dr Mohammad Fah-

mi Ngah dan Pengarah Jais Dato' Mohd Shahzihan Ahmad.

Baginda menegaskan pentadbir masjid dan surau yang tidak mengambil berat pengurusan kewangan, perolehan dan pengurusan aset menyebabkan masyarakat kurang yakin terhadap kewibawaan mereka.

"Masjid dan surau yang mempunyai sistem pengurusan kewangan baik akan lebih diyakini dan mendapat kepercayaan masyarakat untuk terus memberi sumbangan dan infak," titah Baginda.

Alumni UPM dekati masyarakat

SUBANG JAYA - Duli Yang Teramat Mulia Raja Muda Selangor Tengku Amir Shah menyeru alumni Universiti Putra Malaysia (UPM) supaya menabur bakti kepada masyarakat menerusi kepakaran masing-masing.

Baginda bertitah status universiti kini bukan lagi bersifat eksklusif sebaliknya institusi yang berperanan

berkongsi pendidikan terbaik kepada segenap lapisan masyarakat.

"Universiti ada peranan penting menjana insan berpengetahuan dan berkemahiran tinggi demi kemakmuran negara," titah Baginda sempena Majlis Konvokesyen UPM ke-47 baru-baru ini.

Tengku Amir Shah turut mengajak alumni Putra Business School (PBS)

supaya memanfaat kepakaran bidang pengurusan dan perniagaan kepada pembangunan masyarakat terutama kelompok perniagaan.

Titah Baginda, ilmu dan kepakaran yang dimiliki graduan sepanjang pengajian serta pengalaman dalam industri mampu memacu perubahan positif dalam ekosistem perniagaan serta masyarakat.

Rangkum empat kota atasi birokrasi

KLANG - Usaha merangkum pentadbiran Lembah Klang Raya meliputi empat bandar raya iaitu Petaling Jaya, Subang Jaya, Shah Alam dan Klang bakal memacu pertumbuhan ekonomi negeri.

Dato' Menteri Besar menjelaskan penyatuannya tersebut menyeragam urus tadbir seterusnya memudah cara proses perniagaan dan pembangunan,

mengurangkan karenah birokrasi dan memudahkan rakyat.

Dato' Seri Amirudin Shari berkata gagasan itu menarik pelaburan berteras pendigitalan dan menjadi bandar berdaya tahan dalam berdepan cabaran perubahan iklim, bandar mampan serta berdaya huni.

"Pentadbiran Lembah Klang Raya akan memacu pertumbuhan ekonomi

negeri dan meletakkan Selangor sebagai negeri ulung di Asia Tenggara sebaris dengan wilayah terkemuka," katanya pada 11 Disember.

Amirudin juga menambah projek Wilayah Pembangunan Bersepadu Selangor Selatan (IDRISS) seluas 40,000 ekar bakal mewujudkan perbandaran baharu seumpama Shah Alam atau Bangi.

Anak syarikat KSSB tunai zakat



■ Delegasi Lzs bergambar bersama barisan pengurusan tertinggi KSSB dan anak-anak syarikat

Menyucikan harta melalui pembayaran zakat dan infak merupakan salah satu amalan yang dituntut dalam agama Islam bagi memperoleh keberkatan khususnya bagi mereka yang memperoleh harta dan keuntungan daripada aktiviti perniagaan yang dijalankan.

Menyahut seruan dan tuntutan agama, Kumpulan Semesta Sdn. Bhd. ("KSSB") bersama syarikat milikannya Infrasel Sdn. Bhd. (Infrasel), Seltrade Sdn. Bhd. (Seltrade), KSSB Consult Sdn. Bhd. (KSSB Consult), Selgem Sdn. Bhd. (Selgem) dan Kuala Langat Mining Sdn. Bhd. (KLMSB) sentiasa komited dalam melunaskan tanggungjawab melalui pembayaran zakat perniagaan yang diserahkan kepada Lembaga Zakat Selangor (Lzs) setiap tahun.

November lalu, KSSB telah melaksanakan Majlis Simbolik Penyerahan Bayaran Zakat Perniagaan Kumpulan Semesta Sdn. Bhd. serta Anak-anak Syarikat bagi tahun kewangan 2022 yang bertempat

di Ibu Pejabat KSSB, Shah Alam.

Majlis Simbolik Penyerahan yang berlangsung itu dihadiri oleh Yang Berbahagia, En. Ahmad Fadhil Hassan, Ketua Pegawai Operasi Lzs dan Yang Berbahagia, En. Muhammad Fikri Naim Harun, Ketua Divisyen Kutipan Lzs serta delegasi Lzs yang lain. Simbolik penyerahan dan lafaz akad zakat perniagaan tersebut telah disempurnakan oleh Pengarah Urusan/ Ketua Pegawai Eksekutif KSSB, Abdul Rahman Ishak dengan disaksikan oleh Ketua Divisyen Kutipan Lzs dan diterima oleh Ketua Pegawai Operasi Lzs.

KSSB dan syarikat milikannya seperti Infrasel, Seltrade, KSSB Consult, Selgem dan KLMSB telah melunaskan zakat perniagaan berjumlah RM 645,033.35 bagi tahun kewangan 2022.

Sejak penubuhan pada tahun 2008, KSSB telah melunaskan bayaran zakat perniagaan berjumlah RM 6.54 juta kepada Lzs bermula dari tahun kewangan 2009 sehingga 2022. Selain itu, KSSB juga turut menyumbang RM 701.6 juta kepada pihak

berkepentingan melalui pecahan seperti Dividen, Royalti Pejabat Daerah & Tanah, Sumbangan Kerajaan Negeri Selangor, Tribute Tuan Tanah, HORAS 600, Kolam ABBAS, Cukai dan Tanggungjawab Sosial Korporat.

Menurut Abdul Rahman Ishak, sebagai usaha menyokong aspirasi dan hala tuju Kerajaan Negeri Selangor di bawah pimpinan Y.A.B Dato' Seri Amirudin Shari, KSSB dan Anak-anak Syarikat akan kekal komited menjadi sebuah entiti perniagaan yang mendukung segala bentuk inisiatif yang memberi pulangan kepada rakyat di negeri Selangor, khususnya dalam meringankan beban yang harus dipikul oleh mereka yang kurang berkemampuan seperti golongan asnaf dan fakir miskin melalui penganjuran program-program kemasyarakatan yang berterusan.

"Usaha ini bukan sahaja penting atas dasar tuntutan agama, tetapi hikmahnya adalah untuk kita berkongsi sedikit rezeki untuk meringankan beban mereka yang dalam kesusahan" tambah beliau.

Baiki kediaman penjawat awam

SHAH ALAM - Beberapa lot kuarters kerajaan sedang dikenal pasti untuk dibangunkan semula, kata Dato' Menteri Besar Dato' Seri Amirudin Shari.

Beliau berkata antara cadangan untuk membangunkan kuarters penjawat awam itu menerusi kerjasama bersama swasta dengan kaedah pembangunan kuarters secara bertingkat, lapor Bernama.

"Sebelum ini, ada beberapa isu berkenaan (status) tanah tetapi saya sudah dapat beberapa penyelesaian bagaimana tanah itu boleh dibangunkan kerajaan dengan kerjasama swasta.

"Antara lokasi kuarters yang telah dikenal pasti Seksyen 8 di Shah Alam dan beberapa lokasi di setiap daerah di negeri ini.

"Kalau tidak sempat untuk laksanakan (proses pembangunan semula) tahun ini. Kita selaraskan ketika belanjawan (negeri) untuk tahun depan," katanya.

Amirudin menjelaskan pihaknya yang turut bercadang menambah bilangan kuarters seperti dilapor Bernama baru-baru ini.

Kekal aman, kukuh keharmonian

GOMBAK - Dato' Menteri Besar Dato' Seri Amirudin Shari menyeru seluruh lapisan rakyat mempertahankan keharmonian yang dikehendaki menerusi perpaduan pelbagai etnik, agama dan budaya.

Beliau mengingatkan ada segelintir pihak mengintai peluang untuk membakar api perkauman sekali gus merancakkan keamanan yang dinikmati semua pihak selama ini.

"Kita tidak boleh benarkan elemen ekstrem atau menggunakan sentimen dan cuba bakar api perkauman antara kita. Akhir-akhir ini ada yang cuba bakar api ini.

"Ini tidak membawa kebaikan langsung kerana negara kita ada perlumbaan dan setiap agama atau kaum dilindungi menerusi undang-undang," katanya dalam Majlis Rumah Terbuka Deepavali Parlimen Gombak pada 2 Disember.

Majlis di Dataran Sungai Tua di sini, dihadiri Ahli Dewan Negeri Taman Templer Anfaal Saari dan Setiausaha Politik Dato' Menteri Besar Rahim Kasdi.

Amirudin meluangkan masa beramah mesra dengan lebih 5,000 penduduk pelbagai kaum sambil menikmati makanan tradisi masyarakat India dan menyampaikan duit raya kepada kanak-kanak.

Hulu Selangor, Gombak, Petaling,

| | Imsak | Subuh | Syuru' | Zuhur | Asar | Maghrib | Isyak |
|-----------|-------|-------|--------|-------|------|---------|-------|
| 14 Khamis | 5:47 | 5:57 | 7:08 | 1:10 | 4:33 | 7:07 | 8:22 |
| 15 Jumaat | 5:48 | 5:58 | 7:08 | 1:11 | 4:33 | 7:08 | 8:23 |
| 16 Sabtu | 5:48 | 5:58 | 7:09 | 1:11 | 4:34 | 7:08 | 8:23 |
| 17 Ahad | 5:49 | 5:59 | 7:09 | 1:12 | 4:34 | 7:09 | 8:24 |
| 18 Isnin | 5:49 | 5:59 | 7:10 | 1:12 | 4:35 | 7:09 | 8:24 |
| 19 Selasa | 5:50 | 6:00 | 7:10 | 1:13 | 4:35 | 7:10 | 8:25 |
| 20 Rabu | 5:50 | 6:00 | 7:11 | 1:13 | 4:36 | 7:10 | 8:25 |

Sasar negeri pertama bebas karbon

KUALA SELANGOR - Selangor yakin menjadi negeri paling awal mencapai status bebas karbon daripada tahun yang ditetapkan nasional iaitu 2050.

Dato' Menteri Besar Dato' Seri Amirudin Shari berkata inisiatif Visi Tenaga Net Zero 2040 yang diperkenal Pengurusan Air Selangor Sdn Bhd (Air Selangor) sebahagian matlamat tersebut.

Beliau menegaskan keazaman untuk menangani dan mengadaptasi cabaran perubahan iklim salah satu daripada

empat fokus utama dalam Rancangan Selangor Pertama (RS-1).

"Usaha Air Selangor sebahagian perancangan supaya Selangor menjadi negeri neutral karbon seiring atau lebih awal daripada hasrat nasional yang meletakkan garis masa tahun 2050.

"Itu sebab saya tekankan anak-anak syarikat Kerajaan Negeri mengenai pembangunan lestari. Kita harus cari ruang untuk jadi lebih mampan dan menepati piawaian alam sekitar,"

katanya.

Beliau melancarkan Visi Tenaga Net Zero 2040 di loji rawatan air (LRA) Sungai Selangor di sini pada 30 November. Turut hadir, Pemangku Ketua Pegawai Eksekutif Air Selangor Ir Abas Abdullah.

LRA Sungai Selangor mampu menghasilkan tenaga boleh diperbaharu selain menyedia bekalan air terawat lebih bersih dan selamat kepada 9.1 juta pengguna termasuk Putrajaya dan Kuala Lumpur.

Tingkat martabat dengan ilmu

Jaga hak istimewa Melayu, Islam

Oleh **SITI ROHAIZAH ZAINAL**

KLANG - Kerajaan Negeri akan terus memelihara keluhuran Perlembagaan Persekutuan dan Undang-Undang Tubuh Negeri termasuk hak keistimewaan orang Melayu dan kesucian agama Islam.

Dato' Menteri Besar Dato' Seri Amirudin Shari berkata pentadbiran negeri juga berikhtiar memberi ke-sejahteraan kepada rakyat berbilang kaum dan agama sekali gus memeli-hara perpaduan.

"Patik mewakili Kerajaan Perpaduan yang mentadbir negeri Selangor ingin menyatakan kesetiaan tidak berbelah bahagi kepada Duli Yang Maha Mulia

Sultan Selangor dan institusi Raja Melayu.

"(Patik) bertekad untuk terus memelihara keluhuran Perlembagaan Persekutuan dan Undang Undang Tubuh Negeri Selangor, hak keistime-waan orang Melayu dan kesucian agama Islam," katanya.

Beliau mempersembah Ucapan Taat Setia dalam Istiadat Penganugerahan/Pengurniaan Darjah dan Bintang Ke-besaran Bersempena Ulang Tahun Hari Keputeraan Ke-78 pada 11 Disember.

Amirudin percaya usaha mem-perkuuh, melindungi dan mening-gikan syiar Islam di Selangor perlu bermula dengan menitik berat pengetahuan seiring peradaban dunia Islam

berabad-abad lamanya.

"Dunia Islam tidak lekang dengan ulama dan sarjana yang gigih menyebar agama dan disiplin ilmu yang ter-kait dengannya serta pengetahuan yang memberi manfaat kepada umat," katanya.

Justeru, beliau menambah Kera-jaan Negeri mementingkan warisan keilmuan dan ketamadunan dunia Is-lam seraya mengangkat ulama besar seperti Imam al-Ghazali dan karyanya Ihya Ulumuddin.

Beliau juga yakin kegemilangan Se-langor dapat diteruskan dengan men-gangkat martabat orang Melayu apa-bila pengetahuan dan hikmah menjadi teras dalam kehidupan.

Pergiat usaha lestari alam sekitar

SHAH ALAM - Usaha melestari alam sekitar dipergiat bagi mengekal mi-nimum 30 peratus tanah di Selangor sebagai kawasan hutan simpan, kata Dato' Menteri Besar Dato' Seri Amirudin Shari.

Beliau menjelaskan inisiatif berke-naan selaras Rancangan Selangor Pertama (RS-1) antaranya melibatkan penanaman 11 juta pokok dan program kesedaran awam berkaitan pemuliharaan hutan.

Katanya, Duli Yang Maha Mulia Sultan Selangor juga menitahkan

lebih banyak penerangan dijalankan dalam pelbagai medium termasuk gambar, video dan buku pada per-ingkat sekolah.

"Usaha itu akan dirangka antara Ja-batan Perhutanan Negeri Selangor dan Kerajaan Negeri. Ini penting supaya kesedaran masyarakat untuk memeli-hara hutan terus tinggi," katanya.

Amirudin juga menjelaskan kem-a-sukan orang awam ke hutan simpan kekal (HSK) yang diwarta sebagai Hutan Warisan Diraja Selangor dikawal demi memelihara kualiti dan biodiversiti.

Menurut beliau , kemasukan tanpa kawalan ke sebahagian daripada 26 hutan dari Hulu Selangor hingga Hulu Langat dikhawatir menjadikan kebersihan dan penjagaan kawasan tersebut.

"Ada sebahagian (daripada 26 hutan yang diwarta) kita masih benarkan (ma-suk), tetapi sudah pasti kita akan kawal jumlah kemasukan kerana ia akan beri dampak terus kepada kualiti hutan.

"Jika kita benarkan terlalu ramai ma-suk, mungkin kurang kawalan terhadap kebersihan dan pemeliharaan alam sekitar," katanya.

| | Imsak | Subuh | Syuru' | Zuhur | Asar | Maghrib | Isyak | Imsak | Subuh | Syuru' | Zuhur | Asar | Maghrib | Isyak |
|-----------|-------|-------|--------|-------|------|---------|-------|-------|-------|--------|-------|------|---------|-------|
| 14 Khamis | 5:47 | 5:57 | 7:08 | 1:10 | 4:33 | 7:07 | 8:22 | 5:47 | 5:57 | 7:08 | 1:11 | 4:34 | 7:08 | 8:23 |
| 15 Jumaat | 5:48 | 5:58 | 7:08 | 1:11 | 4:33 | 7:08 | 8:23 | 5:48 | 5:58 | 7:09 | 1:11 | 4:34 | 7:09 | 8:24 |
| 16 Sabtu | 5:48 | 5:58 | 7:09 | 1:11 | 4:34 | 7:08 | 8:23 | 5:48 | 5:58 | 7:09 | 1:12 | 4:35 | 7:09 | 8:24 |
| 17 Ahad | 5:49 | 5:59 | 7:09 | 1:12 | 4:34 | 7:09 | 8:24 | 5:49 | 5:59 | 7:10 | 1:12 | 4:35 | 7:10 | 8:25 |
| 18 Isnin | 5:49 | 5:59 | 7:10 | 1:12 | 4:35 | 7:09 | 8:24 | 5:49 | 5:59 | 7:10 | 1:13 | 4:36 | 7:10 | 8:25 |
| 19 Selasa | 5:50 | 6:00 | 7:10 | 1:13 | 4:35 | 7:10 | 8:25 | 5:50 | 6:00 | 7:11 | 1:13 | 4:36 | 7:11 | 8:26 |
| 20 Rabu | 5:50 | 6:00 | 7:11 | 1:13 | 4:36 | 7:10 | 8:25 | 5:50 | 6:00 | 7:11 | 1:14 | 4:37 | 7:11 | 8:26 |



HOT DEALS MENANTI ANDA!



RESIDENSI AURORA

Jenis Ruby: Saiz 26' X 70'
2,550 kps *

Percuma SPA

Percuma MOT

Barangan Smart Home sehingga RM15,000*

Percuma 3 unit penghawa dingin bernilai RM6000 kepada 10 pembeli terawal*

* Tertakluk kepada terma dan syarat.

RUMAH CONTOH RESIDENSI AURORA, SELANGOR CYBER VALLEY
SABTU, 16.12.2023 10:00 PAGI – 5:00 PETANG

RESIDENSI AURORA

Dengan kerjasama



010 928 0187
03 5022 0187



pkns.gov.my

f Perbadanan Kemajuan Negeri Selangor
v Instagram icon PKNS OFFICIAL

PKNS HOMES

Beri pemilik masa pulih tapak

SHAH ALAM - Kerajaan Negeri tidak boleh terus merampas tanah yang dijadikan tapak pelupusan sampah haram di Batu 14, Kapar, Klang.

Sebaliknya, Dato' Menteri Besar menjelaskan tempoh tertentu perlu diberi kepada pemilik untuk memulihkan tanah sebelum tindakan lanjut diambil.

"Mengikut undang-undang dan pengalaman, kita kena bagi masa kepada pemilik tanah untuk memulihkan tanah. Kita (Kerajaan Negeri) pernah kalah dalam kes mahkamah kerana merampas tanah dalam tempoh singkat."

"Gesaan kepada pemilik tanah perlu dilakukan (untuk memulihkan tanah) dan kita kena bagi masa. Jika tidak dibuat (pulih tanah), kita rampas (tanah)," kata Dato' Seri Amirudin Shari baru-baru ini.

Naik taraf masjid mulai Januari

PETALING JAYA - Kerajaan Negeri bercadang menaik taraf 14 masjid meliputi semua sembilan daerah dalam program Kembara Masjid Selangor mulai Januari tahun depan.

EXCO Agama Islam Dr Mohammad Fahmi Ngah menjelaskan usaha itu dibuat melalui peruntukan RM700,000 yang diumum Dato' Menteri Besar Dato' Seri Amirudin Shari dalam Belanjawan 2024.

Beliau juga menjelaskan pembaikan prasarana tertumpu di rumah ibadat yang menjadi tempat persinggahan utama penduduk dan musafir antaranya kawasan Sabak Bernam.

"Kita akan turun ke bawah dan perhatikan keadaan infrastruktur terutama tandas dan bumbung masjid yang bocor untuk memastikan keselesaan jemaah," katanya.

Permudah belia mula niaga

SUBANG JAYA - Kerajaan Negeri merangka program keusahawanan golongan belia termasuk mempermudah permohonan geran permulaan perniagaan.

EXCO Keusahawanan Najwan Halimi berkata usaha melibatkan kerjasama pelbagai agensi kerajaan dan pemegang taruh diharap melahirkan lebih ramai usahawan muda berdaya saing.

"Satu kerangka cadangan pemerkasaan usahawan muda di negeri ini akan disediakan secara konsultan bersama pemegang taruh pada masa terdekat."

"Ini termasuklah memudahkan belia mendapatkan geran permulaan perniagaan seterusnya pembiayaan kewangan untuk kembangkan perniagaan mereka ke peringkat tinggi," katanya pada 4 Disember.

Mengenai program Rakan Niaga MyPreneur, beliau berkata program itu menyerlahkan potensi belia dalam bidang keusahawanan.

250,000 kunjungi pesta buku negeri

SHAH ALAM - Pesta Buku Antara bangsa Selangor (SIBF) 2023 yang berlangsung antara 1 hingga 10 Disember dikunjungi lebih 250,000 pengunjung, kata EXCO Belia Najwan Halimi.

Katanya, peningkatan pengunjung saban tahun membuktikan pesta buku negeri yang dianjur sejak 2006 sebelum dijenama kepada SIBF kian menjadi tumpuan orang ramai dan pempamer antarabangsa.

"Malah transaksi jualan pempamer juga meningkat berganda berbanding tahun lepas. Ini membuktikan SIBF ada-

lah acara yang berprestij dan semakin menjadi tumpuan."

"Kerajaan Negeri akan terus beri sokongan kepada Perbadanan Perpus takaan Awam Selangor (PPAS) dalam merancakkan lagi industri buku sekali gus membudayakan ilmu," katanya.

Beliau menyempurnakan majlis penutupan SIBF 2023 di Pusat Konvensyen Majlis Bandaraya Shah Alam di sini pada 10 Disember. Hadir sama, Pengarah PPAS Datin Paduka Mastura Muhamad.

Najwan juga menjelaskan pengaju-

ran tersebut bertujuan menggalakkan budaya membaca dan menulis dalam kalangan rakyat khususnya di Selangor.

"Ini sebahagian usaha memperkuuh budaya menuntut ilmu dan salah satu agenda Kerajaan Negeri dalam menyokong dan membantu menjayakan program Tekad Pendidikan #KitaSelangor.

"Sejak diperkenal di Selangor mulai 2006, acara ini sangat dinanti-nantikan pencinta buku, pemain industri buku, karyawan, penulis dan ilustrator tem patan saban tahun," katanya.

Terima anugerah darjah kebesaran

Dorongan beri khidmat lebih baik

Oleh **SITI ROHAIZAH ZAINAL**

KLANG - EXCO kerajaan tempatan yang menerima Darjah Kebesaran Dato' Paduka Mahkota Selangor (D.P.M.S.) sempena Hari Keputeraan ke-78 Duli Yang Maha Mulia Sultan Selangor tekad terus memberi khidmat terbaik kepada rakyat.

Menjunjung kasih atas kurniaan itu, Dato' Ng Suee Lim juga berhasrat mahu mempromosi industri pelancongan Selangor yang mempunyai keunikan tersendiri seperti perkampungan orang asli dan seni warisan.

"Saya akan pastikan harapan Tuanku

untuk Selangor terus berkembang maju daripada segi pelaburan, pentadbiran piyah berkuasa tempatan dan prestasi direalisasikan serta ditambah baik," katanya di Istana Alam Shah di sini pada 11 Disember.

Sultan Sharafuddin Idris Shah Alhaj berkenan menganugerah D.P.M.S. yang membawa gelaran Dato' kepada sembilan penerima antaranya Suee Lim, Pegawai Kewangan Negeri Dr Ahmad Fadzli Ahmad Tajuddin dan Ketua Polis Selangor Dato' Hussein Omar Khan.

Sementara itu, Datuk Bandar Majlis



Bandaraya Subang Jaya (MBSJ), Dato' Mohd Fauzi Mohd Yatim bersyukur atas penganugerahan Darjah Kebesaran Dato'-Sultan Sharafuddin Idris Shah (D.S.I.S.).

"Saya berkhidmat di Selangor sejak 12 tahun lalu dan anugerah ini satu pengiktirafan dan menjadi pendorong untuk terus menabur bakti dan beri yang terbaik kepada Kerajaan Selangor."

"Di pihak MBSJ, pentadbiran sentiasa mementingkan titah Tuanku antaranya berhubung kepentingan penjagaan kebersihan dan infrastruktur bagi memastikan tidak berlaku banjir," katanya.

Rangka setahun agihan bantuan

KLANG - Semua ketua komuniti India (KKI) diarah membuat perancangan setahun supaya semua bentuk bantuan yang disediakan pentadbiran sampai kepada rakyat memerlukan tanpa sebarang keciciran.

EXCO Sumber Manusia V Papparai du mengingatkan Kerajaan Negeri menyediakan pelbagai bentuk bantuan termasuk sumbangan perayaan mahupun program bermusim seperti

Kembali ke Sekolah.

"Mereka boleh bertemu dengan wakil rakyat kawasan masing-masing supaya rancangan dilaksanakan berbanding tidak dapat jalankan apa-apa program sebab masalah kewangan," katanya.

KKI berperanan menjaga kepentingan masyarakat India dalam sesbuah kawasan Dewan Undangan Negeri penempatan India selain menyebarkan maklumat, bantuan dan penerangan

dasar negeri.

Dalam pada itu, Papparai du juga menjelaskan barisan ketua komuniti bagi sesi 2024/2025 akan dimuktamad selepas mendapat kelulusan Majlis Mesyuarat Kerajaan Negeri.

Menjelaskan proses penetapan nama pada peringkat akhir, beliau menambah 80 peratus daripadanya dikenalkan se mentara selebihnya ada masalah kesihatan atau menarik diri.

Bangun pusat perubahan iklim

SHAH ALAM - Majlis Tindakan Iklim Selangor akan dinaik taraf sebagai pusat adaptasi perubahan iklim melibatkan kos kira-kira RM800,000, kata EXCO Alam Sekitar Jamaliah Jamaluddin.

Beliau juga menjelaskan pusat berkenaan akan memberi tumpuan kepada sembilan sektor utama iaitu sumber air, pertanian, kesihatan, guna tanah, pengurusan sisir dan pengangkutan.

Katanya, kesan perubahan iklim kepada sektor perhutanan dan biodiversiti, perindustrian serta infrastruktur, tenaga dan persekitaran turut diambil kira.

"Keputusan dibuat selepas pentadbiran negeri melihat isu ini memerlukan perhatian serius. Jadi, ada keperluan mewujudkan organisasi yang berfungsi merancang pelan strategik," katanya. Pusat itu juga menjadi agensi pener-

aju pembangunan teknologi hijau, pengurusan pasaran karbon, penilaian cadangan projek swasta berkaitan alam sekitar dan teknologi hijau serta menjalankan penyelidikan dan pembangunan.

Tahun ini, dana RM300,000 disediakan bagi menjalankan pembangunan kajian dan Dasar Perubahan Iklim Selangor merangkumi tindakan pelaksanaan secara bersepadu.

ADVERTORIAL

WBS lancar kempen tahunan lawan keganasan terhadap wanita

Kempen Jinggakan Selangor

Oleh SITI ROHAIZAH ZAINAL

Umum sedia maklum bahawa 25 November merupakan hari antarabangsa untuk penghapusan keganasan terhadap wanita yang mendapat pengiktirafan Pertubuhan Bangsa-Bangsa Bersatu (PBB).

Malah, UN Women iaitu sebuah entiti PBB telah memilih warna oren atau jingga bagi melambangkan masa depan cerah, optimis dan bermotivasi dalam usaha menamatkan keganasan terhadap wanita dan kanak-kanak perempuan.

Selangor tidak terkecuali dalam menyokong usaha itu dengan melancarkan Jinggakan Selangor iaitu kempen Bangkit! Melawan Keganasan Terhadap Wanita Dan Kanak-Kanak.

Dilaksanakan menerusi Wanita Berdaya Selangor (WBS), usaha itu turut menyemarakkan lagi 16 Hari Aktivisme Melawan Keganasan Berasaskan Gender yang disambut secara tahunan di peringkat global.

Ketua Pegawai Eksekutif WBS, Rozeeta@Hidayah Ramli berkata tempoh 16 hari itu bermula pada 25 November hingga 10 Disember sempena Hari Penghapusan Keganasan Terhadap Wanita dan Hari Hak Asasi Manusia Antarabangsa.

Menurutnya, dalam tempoh ini ia merupakan manifestasi bahawa keganasan dilakukan terhadap wanita adalah pelanggaran hak asasi manusia.

"Sejak dilancarkan pada 20 November lalu oleh EXCO Pemberdayaan Wanita dan Kebajikan Masyarakat, Anfaal Saari di Bangunan Annex yang turut dihadiri Dato' Menteri Besar, pelbagai pengisian dilaksanakan seperti pementasan teater 'Sampai Syurga', program bual bicara dan lawatan ke rumah perlindungan.

"Minggu ini, kita turut mengadakan forum kisah rumahtangga dan kempen sayangi di Pesta Buku Antarabangsa Selangor (SIBF) 2023. Kita turut mengadakan Program Pemerksaan Wanita di UiTM Puncak Alam.

"Kempen ini bukan sahaja menumpukan kepada golongan wanita tetapi untuk golongan lelaki pelbagai peringkat termasuk pelajar. WBS mahu kefahaman melawan keganasan



terhadap wanita difahami setiap segmen masyarakat," katanya ditemui Selangorkini.

Mengulas lanjut, Rozeeta memaklumkan berdasarkan statistik, Selangor mencatatkan kes laporan keganasan rumahtangga agak tinggi berbanding negeri-negeri lain atas beberapa faktor termasuk kepada penduduk, kos sara hidup meningkat dan pasca Covid-19.

"Tekanan-tekanan yang dialami masyarakat kini menyebabkan berlakunya keganasan rumahtangga membabitkan wanita dan anak-anak. Namun, masyarakat harus ingat bahawa keganasan bukan sahaja membabitkan fizikal tetapi berlaku dalam bentuk emosi dan juga mental.

"Masyarakat perlu faham perkara ini bahawa penghinaan dan cacian yang dilemparkan juga satu bentuk keganasan. WBS mahu masyarakat sedar dan cakna tentang bentuk-bentuk keganasan yang boleh berlaku.

"Oleh itu, melalui kempen ini golongan wanita sedar bahawa mereka mempunyai hak untuk melindungi diri dan jenis

perlindungan daripada sudut perundangan yang diberikan pihak berkuasa," jelasnya.

Komitded dalam membanteras kes keganasan rumahtangga, usaha WBS tidak terhenti setakat dalam tempoh 16 hari kempen sahaja.

Beliau berkata, antara usaha WBS ialah menerusi penubuhan Talian SELamat sebagai 'hotline' pertolongan cemas yang menyediakan perkhidmatan kepada pemandiri untuk memberi rujukan, mendengar masalah dan sesi kaunseling bersama kaunselor rujukan untuk kes keganasan rumah tangga.

"WBS juga menawarkan Geran Rumah Perlindungan bagi menjalinkan kerjasama serta membantu menambahbaik rumah perlindungan dalam memastikan keselamatan wanita dan kanak-kanak yang terlibat dengan isu keganasan rumah tangga terjaga.

"Selain itu, peranan penyelia Pusat Wanita Berdaya (PWB) juga memainkan peranan sebagai tempat rujukan sekiranya terdapat pemandiri atau mangsa dalam kalangan wanita lokaliti.

"Penting penyelia mempunyai jaringan komunikasi yang baik dengan pelbagai agensi kerajaan maupun pertubuhan bukan kerajaan (NGO) yang memberikan tumpuan khas kepada wanita," jelasnya.

Menyedari isu keganasan turut membabitkan golongan lelaki, WBS juga cakna dalam menangani kes tersebut dengan memperluaskan kempen merangkumi golongan lelaki dan kanak-kanak lelaki.

"Kita lihat tema kempen kali ini adalah melawan keganasan terhadap wanita, namun apabila melaksanakan kempen berasaskan gender ia melibatkan wanita dan lelaki.

"Keganasan terhadap golongan lelaki juga tidak betul dan ini mesej yang kita bawa kepada masyarakat. Ia (keganasan) harus dihentikan bukan sahaja kepada wanita tetapi lelaki.

"Sebarang bentuk keganasan fizikal, mental dan emosi sama ada terhadap wanita atau lelaki harus dibanteras serta ditentang," kata Rozeeta.

Maklumat lanjut hubungi talian SELamat 03-6419 5027 dan waktu operasi setiap hari mulai 8 pagi hingga 12.30 tengah malam.

Kerjasama perindah Taman Warisan

SHAH ALAM - Perbadanan Kemajuan Negeri Selangor (PKNS) dengan kerjasama Lions Convention menanam lebih 50 pokok pelbagai spesies di Taman Warisan, Setia Alam dekat sini.

Program penghijauan itu bertujuan mengukuhkan kesedaran dan komitmen terhadap kelestarian alam sekitar sekali gus mencipta ruang hijau yang bermakna untuk masyarakat setempat.

"Acara ini bertujuan menyokong agenda nasional melalui Kempen Penanaman 100 juta pokok menjelang 2025 dan Kempen Penanaman 26 juta pokok di Selangor," kata kenyataan baru-baru ini.

Pokok yang ditanam di taman seluas 13.92 ekar antaranya Tabebuia pentaphylla (Tecoma), Lagerstroemia langkawinensis (Bungor) dan Eucalyptus degupta (Eucalyptus).

Bantu peniaga jana hasil RM1.1 juta

PETALING JAYA - Kelas strategi pemasaran di TikTok anjuran Yayasan Hijrah Selangor (Hijrah) membantu seramai 390 usahawan menjana pendapatan sebanyak RM1.1 juta.

Ketua pegawai operasi Hijrah berkata peserta dide dahukan teknik kreatif menghasilkan kandungan untuk mempromosi produk serta harga jualan di aplikasi itu sekali gus menarik minat pembeli.

"Kelas strategi super TikTok dianjur bermula Jun lalu memasuki edisi ke-14. Ini antara usaha untuk melonjakkan pendapatan usahawan selain tidak hanya bergantung kepada perniagaan fizikal.

"Setiap usahawan yang menyertai kursus berkenaan akan dipantau bagi memastikan pendapatan mereka terus meningkat," kata Normaiza Yahya baru-baru ini.

Pembangunan niaga hingga RM50,000

SHAH ALAM - Yayasan Hijrah Selangor (Hijrah) menawarkan pembangunan sehingga RM50,000 kepada mana-mana usahawan yang benar-benar mahu mengembangkan perniagaan mereka.

Pembangunan menerusi skim i-Bisnes itu membantu usahawan kecil dan sederhana mendapatkan modal pusingan niaga dengan kelayakan dan dokumen permohonan mudah, cepat serta tidak membebankan.

Pembangunan terbuka kepada semua sektor perniagaan. Layari www.hijrahselangor.com untuk maklumat lanjut. Permohonan dalam talian boleh dibuat menerusi paun tan mikrokredit.selangor.gov.my/

Sejak 2015, Hijrah menawarkan pelbagai skim pembangunan seperti Skim i-Bisnes, Skim Zero to Hero, Skim Go Digital dan Skim Pembangunan Niaga Darul Ehsan (NADI).

Teroka pasaran halal di Indonesia

SHAH ALAM - Halal International Selangor (HIS) bekerjasama dengan Perbadanan Pembangunan Perdagangan Luar Malaysia (Matrade) di Indonesia bagi meneroka peluang pasaran di negara itu.

Agenzia itu yakin inisiatif berkenaan membuka lebih banyak peluang kepada usahawan halal Selangor untuk memasarkan produk mereka ke Indonesia.

"Perbincangan (dengan Matrade) berkisar pasaran produk halal dan promosi produk Selangor di Indonesia dengan kedua-dua pihak ber-setuju saling membantu dalam membuka lebih banyak peluang kepada usahawan halal Selangor membawa produk ke Indonesia.

"Perbincangan diadakan ketika kunjungan delegasi HIS (diketuai) Pengurus Besar merangkap pemangku Ketua Pegawai Eksekutif Muhammad Syaril Showkat Ali ke pejabat Matrade di Kuningan, Indonesia (baru-baru ini)," katanya di Facebook.

Menerusi kunjungan itu, HIS mempromosi Ekspo Persidangan Halal Antarabangsa Selangor (SELHAC) 2024 dan Matrade bersetuju mencadangkan penyertaan penggiat industri Indonesia dalam acara itu.

"Selain itu HIS akan disenaraikan keahlian sebagai agensi pembimbing halal Matrade bagi aktiviti perniagaan, latihan dan konsultansi serta agensi penghubung pasaran halal antarabangsa," katanya.

Kerajaan Selangor melaksana Pelan Tindakan Halal Selangor (SELHAP) 2020-2030 menerusi Rancangan Selangor Pertama (RS-1) bagi meletakkan negeri ini sebagai hab halal global.

Sebanyak 10 inisiatif dijalankan iaitu mewujudkan Platform Maklumat Pusat (CIP), Operator Halal Diperakui (AHO), Promosi Halal Selangor, Pembangunan Halal Selangor, Zon Ekonomi Halal Selangor dan Program Pembangunan Perusahaan Kecil dan Sederhana (PKS) Selangor.

Inisiatif lain antaranya termasuklah Pembangunan Kapasiti Halal Selangor, Koperasi Halal Selangor, Hab Perniagaan Halal Selangor dan Pangkalan Data Bahan Mentah Halal.

Jana ekonomi tempatan

Ban Canal lokasi ekopelancongan

Oleh SHEEDA FATHIL

SABAK BERNAM - Karnival Ban Canal bakal menjadi antara acara ekopelancongan dalam kalender tahunan Kawasan Pembangunan Sabak Bernam (SABDA), kata EXCO kemajuan desa.

Datuk Rizam Ismail berkata prasarana terusan Ban Canal sepanjang 30 kilometer bukan sahaja menyediakan sistem pengairan untuk sawah padi tetapi juga destinasi riadah penduduk tempatan.

"Kalau kita lihat di negara maju seperti di Eropah, kebanyakan bandar atau pusat ekonomi setempatnya dibangunkan di tepi laut atau Ban Canal seperti ini.

"Oleh itu, saya nampak potensi untuk Ban Canal menjadi salah satu pemangkin pertumbuhan ekonomi tempatan bawah inisiatif SABDA," katanya.

Beliau menghadiri Karnival Ban Canal 2023 yang dirasmikan Dato' Menteri Besar Dato' Seri Amirudin Shari di Parit 14, Simpang Lima pada 10 Disember.

Rizam juga berharap karnival berkenaan juga dapat dimasukkan di dalam Kempen Tahun Melawat Selangor 2025 sekali gus mengetengah keindahan Sabak Bernam.

"Melalui penganjuran sukan air



seperti perahu naga, ia bagus dalam memupuk semangat perpaduan dan kerja berpasukan antara peserta dan penduduk selari matlamat Gagasan Rumpun Selangor.

"Saya turut berhasrat menambah pertandingan bot laju atau 'drag racing speed boat' seperti di Thailand. Ini dapat meningkatkan penyertaan peserta pada masa depan," katanya.

Kira-kira 10,000 pengunjung memeriahkan karnival tiga hari itu yang menyajikan pelbagai acara menarik antaranya pertandingan kayak, maraton kayak, reka cipta bot dan sukan rakyat.

Selesai lebih 700 isu warganegara

SHAH ALAM - Sebanyak 764 isu kewarganegaraan diatasi menerusi Program Pusat Dokumen Pengenalan Diri MySel (Unit MySel) sejak Januari hingga November lalu, kata EXCO pembasian kemiskinan.

V Papparaidu berkata masalah tersebut terbahagi kepada lima kategori iaitu sijil kelahiran (196), warganegara (189), anak angkat (180), kad pengenalan merah (175) dan imigresen (24).

"Unit MySel merupakan inisiatif Kerajaan Negeri dalam membantu menangani permasalahan dihadapi rakyat Selangor khususnya untuk mendapatkan dokumen pengenalan diri.



"Melalui program ini, kita dapat membantu generasi akan datang meneruskan kelangsungan hidup dengan mendapatkan pendidikan semerpura sekali gus meningkatkan taraf hidup," katanya.

Beliau dalam sidang media pada 5 Disember juga menyeru kepada mana-mana individu yang ada masalah sedemikian boleh memohon terus kepada Pejabat EXCO di bangunan pentadbiran negeri.

"Pegawai MySel melaksana pelbagai kaedah hebat termasuk mendekati rakyat melalui pengedaran 'flyers' (risalah), sesi penerangan dan 'walk in' ke

pejabat Dewan Undangan Negeri.

"Pengedaran 'flyers' disusuli kerjasama dan komitmen bersama Pusat Khidmat Masyarakat, Majlis Pengurusan Komuniti Kampung, Ketua Komuniti Kaum India setempat dan rumah ibadat," jelasnya.

MySEL diwujudkan bagi membantu golongan miskin yang kurang pengetahuan untuk membuat permohonan dokumen pengenalan diri, kewarganegaraan, sijil kelahiran dan kad pengenalan.

Ia juga berperanan menyelesaikan masalah anak tiada surat beranak akibat sindikit perkahwinan di sempadan termasuk kegagalan ibu bapa mendaftar kelahiran anak atas situasi tertentu.



KERJASAMA... Dato' Menteri Besar Dato' Seri Amirudin Shari bersama Menteri Pendidikan Fadhlina Sidek (kanan) menyaksikan pemerintahan memorandum persefahaman antara Bahagian Pendidikan dan Latihan Teknikal Vokasional Kementerian Pendidikan Malaysia serta Pembangunan Kemahiran Teknikal Selangor di Shah Alam pada 12 Disember. Foto RADIN WAZIR ► BERITA MUKA 10

Sedia lampu jalan solar

Sasar 200,000 unit rumah mampu milik

Oleh ZAREEF MUZAMMIL

SHAH ALAM - Kumpulan Hartanah Selangor Berhad (KHSB) perlu mewujudkan lebih banyak unit rumah mampu milik untuk penduduk negeri ini, kata Dato' Menteri Besar Dato' Seri Amirudin Shari.

Beliau menjelaskan usaha sedemikian bertujuan mencapai hasrat pentadbiran negeri untuk membangunkan 200,000 unit kediaman mampu milik

yang digariskan dalam Tawaran Kita Selangor.

"Ini bagi menjayakan matlamat menjadikan Selangor berdaya huni yang bukan hanya menepati keperluan generasi muda tetapi kanak-kanak, orang kurang upaya dan warga emas," katanya.

Berucap sempena penjenamaan identiti korporat KHSB pada 8 Disember, Amirudin menambah pembangunan rumah perlu menerapkan ciri kelestarian termasuk penyediaan lampu

jalan solar.

Beliau juga menekankan amalan penuaan hujan, tapak kebun komuniti dan penanaman semula pokok bagi menyahut seruan menjadikan Selangor sebagai negeri peneraju memelihara alam sekitar.

Katanya, agensi bawah Menteri Besar Selangor (pemerbadanan) itu juga bertanggungjawab memperkuuh pengurusan kewangan supaya mampu bersaing dengan peneraju hartanah lain.

Bantuan dorong pelajar berjaya

GOMBAK - Bantuan pendidikan yang disediakan setiap tahun menjadi pendorong kepada pelajar untuk mencapai kejayaan, kata Dato' Menteri Besar Dato' Seri Amirudin Shari.

Mengambil contoh Program Tuisyen Rakyat Selangor (PTRS) dan Bantuan Asas Yuran Universiti (Bayu), beliau menjelaskan ia memberi sokongan tambahan dalam menjamin kecemerlangan pelajar.

Katanya, Jelajah Tekad Pendidikan #KitaSelangor yang diadakan di dua daerah mulai 6 November pula mendedahkan pelajar dengan falsafah

insaniah, transformasi dan aspirasi realistik.

"Kerajaan Negeri sedaya upaya melaksanakan pelbagai program pendidikan. Kita sediakan pelbagai bantuan seperti PTRS, bantuan sekolah dan masuk universiti.

"Kini, kita adakan lagi program untuk perkasa sektor pendidikan. Secara asasnya, ada beberapa landasan lain bakal diperkenal demi memastikan pendidikan kita menyeluruh," katanya.

Program Jelajah Tekad Pendidikan #KitaSelangor yang menekankan unsur spiritual dan keagamaan bermula

di Gombak dan Kuala Selangor melibatkan lebih 1,000 pelajar dan ibu bapa.

Ketika membentang Belanjawan Selangor 2024 pada 10 November, Amirudin mengumumkan peruntukan hampir RM100 juta bagi menjayakan pembangunan pendidikan dan bantuan persediaan pelajar.

Ia termasuk RM9 juta untuk Kumpulan Wang Biasiswa Negeri Selangor merangkumi peduli siswa, program khas dan pinjaman boleh ubah selain RM5 juta (Bayu) dan RM3 juta bagi Hadiah Pengajian Institusi Pengajian Tinggi Selangor.

2,300 kediaman rancak ekonomi

SHAH ALAM - Pembinaan 2,300 unit rumah mampu milik di Bernam Jaya, Hulu Selangor bawah Kumpulan Hartanah Selangor Berhad (KHSB) dijangka merancakkan ekonomi di kawasan berkenaan.

Dato' Menteri Besar berkata pembangunan rumah teres setingkat atas tanah seluas 191 ekar yang dijangka bermula tahun depan bakal membuka lebih banyak peluang perniagaan dan pekerjaan.

"Penerokaan kawasan baharu (untuk pembinaan rumah mampu milik) sebagai contoh di Bernam Jaya menjadi pemangkin kepada pembangunan masa depan terutama di utara Selangor.

"Lebih-lebih lagi, pembinaan Proton City bersebelahan Bernam Jaya yang kita percaya limpahannya boleh dinikmati penduduk Selangor," kata Dato' Seri Amirudin Shari di sini pada 8 Disember.

Giat kempen cegah keganasan wanita

SHAH ALAM - Kempen sayangi wanita dan kanak-kanak anjuran Kerajaan Negeri kerjasama beberapa pertubuhan bukan kerajaan (NGO) mendapat sambutan menggalakkan.

EXCO pembangunan wanita berkata pelbagai program sempena kempen 16 Hari Aktivisme Melawan Keganasan Berasaskan Gender yang dianjur sejak 25 November antaranya persembahan teater dan forum.

"Hampir keseluruhan agenda dirancang terlaksana seperti persembahan teater untuk kumpulan sasar iaitu penjawat awam dan agensi kerajaan selain adakan forum berkenaan isu wanita.

"Kita turut mengadakan lawatan ke rumah perlindungan Baitul Rahmah. Kita juga mahu program ini berterusan pada masa depan," kata Anfaal Saari pada 7 Disember.

Kukuh kerjasama perdagangan

SHAH ALAM - Invest Selangor Berhad (Invest Selangor) meneruskan kerjasama dengan Dewan Perdagangan dan Industri Malaysia-Jerman (MGCC) bagi membuka lebih banyak peluang pelaburan dari negara itu.

Menurut agensi penggalak pelaburan negeri itu, kerjasama selama sedekad membantu usaha memacu pertumbuhan ekonomi, menarik pelaburan dan memperkuuh hubungan antara Selangor dan Jerman.

"Memandang ke depan, kami teruja untuk meneruskan kerjasama dengan MGCC bagi menggalakkan lebih banyak pelaburan dari Jerman ke Selangor," kata kenyataan di laman X pada 7 Disember.

Invest Selangor merai ulang tahun ke-10 keahlian bersama MGCC di bangunan pentadbiran negeri di sini.

Sembah Taat Setia



Foto Ahmad Zakkii Jilan

Teks penuh Sembah Ucapan Taat Setia Dato' Menteri Besar Dato' Seri Amirudin Shari dalam Istiadat Penganugerahan/Pengurniaan Darjah dan Bintang Kebesaran bersempena Ulang Tahun Hari Keputeraan Yang ke-78 Duli Yang Maha Mulia Sultan Selangor Sultan Sharafuddin Idris Shah Alhaj di Istana Alam Shah, Klang pada 11 Disember 2023.

Ampun Tuanku,

Menghadap Duli Yang Maha Mulia Sultan Sharafuddin Idris Shah Alhaj Ibni Almarhum Sultan Salahuddin Abdul Aziz Shah Alhaj, Sultan dan Yang Dipertuan Negeri Selangor Darul Ehsan serta segala daerah takluknya dan Duli Yang Maha Mulia Tengku Permaisuri Hajah Norashikin, Tengku Permaisuri Selangor.

Ampun Tuanku beribu – ribu ampuh, Sembah patik mohon diampun.

Didahulukan segalanya, seraya mengangkat puji-pujian kepada Allah Tuhan semesta alam, tiada sekutu bagi-Nya dan tiada sesuatu pun yang setara dengan-Nya. Segala kekuasaan dan kekuatan adalah milik-Nya. Sesungguhnya Dia bersemayam di Arasy yang mulia sesuai dengan ayat 54 Surah al-A'raaf Firman Allah Subhanahu wa Taala dalam Al-Quran yang mulia:

Sesungguhnya Tuhan kamu ialah Allah yang menciptakan langit dan bumi dalam enam masa lalu ia bersemayam di atas Arasy; ia melindungi malam dengan siang yang mengiringinya dengan

deras (silih berganti) dan (ia pula yang menciptakan) matahari dan bulan serta bintang-bintang, (semuanya) tunduk kepada perintah-Nya. Ingatlah, kepada Allah jualah tertentu urusan menciptakan (sekalian makhluk) dan urusan pemerintahan. Maha Suci Allah yang mencipta dan mentadbirkan sekalian alam.

Ampun Tuanku,

Patik mewakili seluruh rakyat jelata dan kepimpinan pentadbiran Kerajaan Tuanku, merafak sembah taat setia dan menjunjung kasih setinggi-tinggi tahniah buat Duli Yang Maha Mulia (DYMM) Sultan Sharafuddin Idris Shah Alhaj ibni Almarhum Sultan Salahuddin Abdul Aziz Shah Alhaj, Sultan dan Yang Dipertuan Negeri Selangor Darul Ehsan serta segala daerah takluknya bersempena Ulang Tahun Keputeraan Duli Yang Maha Mulia Tuanku ke-78.

Patik-patik sekalian senantiasa mendoaakan agar Tuanku dan DYMM Tengku Permaisuri serta kaum kerabat dikurnia dan dilimpahi rahmat, keberkatan, kemuliaan, kefaian dan dipelihara ke-

selamatan yang baik hendaknya.

Doa sekalian rakyat juga dipanjatkan ke hadrat Allah SWT untuk Duli Yang Teramat Mulia Raja Muda Selangor Tengku Amir Shah dan seterusnya kepada puteri-puteri dan adinda-adinda Tuanku, waris-waris serta kerabat diraja sekalian, semoga berada dalam keadaan kesejahteraan, dikurniakan taufik dan hidayah oleh Allah SWT.

Ampun Tuanku,

Pada hari yang mulia ini patik sebagaimana saban tahun akan mengikrarkan taat setia patik kepada Duli Yang Maha Mulia Tuanku. Sesungguhnya dengan keizinan Allah Subhanahu wa Taala makanya berkat daulat kebesaran dan nasihat pedoman Duli Yang Maha Mulia Tuanku menjadi teladan serta memperkuuh keazaman patik untuk mentadbir Negeri Selangor dengan lebih baik.

Ampun Tuanku,

Keazaman serta tekad kesetiaan patik ini boleh disimpulkan sebagaimana yang

pernah dizahirkan oleh Almarhum Raja Ali Haji dalam karya beliau Tuhfatun Nafis yang merakamkan kalam "aruk" atau kesetiaan Almarhum Opu Daeng Merewah kepada Sultan Sulaiman Badrul Alam Shah tatkala dilantik sebagai Yamtuan Muda Kerajaan Riau Lingga yang pertama :

"Barang yang tiada suka engkau membujur di hadapanmu aku lintangkan, dan barang yang tiada suka melintang di hadapanmu aku bujurkan. Barang yang semak di hadapanmu, aku cucikan"

Tekad Almarhum Daeng Merewah itu lah yang patik sematkan ke dalam hati sa nubari patik ini. Sebagaimana ketika patik menggenggam Lembing Sangbuana ketika mengangkat sumpah menjawat jawatan Dato' Menteri Besar tempoh hari, begitulah patik akan bersetia berkhidmat ligat berusaha demi memperhebat kerajaan Duli Yang Maha Mulia Tuanku serta melindungi kebijakan rakyat Negeri Selangor.

Pada hemat patik, institusi Kesultanan Selangor yang kaya dengan sejarah serta susur galur yang bermula daripada Raja Lumu yang mengambil gelaran Sultan Salehuddin Shah bersendikan semangat kepahlawanan, keilmuan, dan keimanan kepada Allah Subhanahu Wa Ta'alha harus dipertahankan kedaulatannya, dihormati, dan disanjungi, dan tidak boleh sesekali dicerca ataupun dihina. Semangat kepahlawanan Raja Ali Haji Fisabilillah, keilmuan sarjana Raja Ali Haji serta keimanan dan sifat warak Sultan Alauddin Sulaiman yang menulis kitab-kitab seperti Kitab Pohon Ugama menjadikan rakyat berbangga dinaungi kedaulatan Kesultanan Selangor.

Ampun Tuanku beribu-ribu ampun,

Patik dengan sukacita ingin menyembah maklum bahawa pembangunan ekonomi negeri Selangor di bawah Kerajaan Tuanku terus meningkat. Pada tahun lalu, sumbangan negeri Selangor Darul Ehsan kepada Keluaran Dalam Negara Kasar (KDNK) Malaysia terus meningkat kepada 25.5% sekaligus meningkatkan peranan negeri Selangor sebagai negeri yang menyumbang lebih satu perempat kepada KDNK negara.

Sehingga 6 Disember 2023, Kerajaan Tuanku telah mencatat kutipan hasil berjumlah RM2.571 billion iaitu 128 peratus dari sasaran kutipan hasil 2023 berjumlah RM2 billion.

Ini adalah manifestasi dan bukti kesungguhan barisan penjawat awam dan anggota pentadbiran Kerajaan Tuanku bagi memacu ekonomi negeri dan meningkatkan hasil demi manfaat rakyat jelata. Malah pencapaian ini menggambarkan keyakinan komuniti pelaburan serta rakyat Tuanku terhadap sikap dan kebertanggungjawaban Kerajaan Tuanku dalam merencana dan mengagihkan kekayaan negeri secara efektif dan bersasar.

Antaranya pembangunan di wilayah selatan Selangor iaitu Integrated Development Region in South Selangor ataupun IDRISI dibangunkan dalam kawasan seluas 40,000 ekar di mana Kerajaan Tuanku akan merancang dan memudahcara pembangunan kawasan baharu ini.

Kerajaan Tuanku turut berhasrat untuk mewujudkan perbandaran baharu di kawasan IDRISI ini seumpama Shah Alam dan Bangi yang untuk didiami terutamanya anak-anak Melayu rakyat jelta menumpang teduh di bumi Selangor yang bertuah ini.

Ampun Tuanku,

Dalam Belanjawan 2024 yang telah patik bentangkan pada November lalu, Kerajaan Tuanku berhasrat mewujudkan pentadbiran Lembah Klang Raya yang meliputi 4 Bandaraya iaitu Petaling Jaya, Subang Jaya, Shah Alam dan Klang.

Lembah Klang Raya bermatlamat untuk menyatu, menyelaras dan menyragamkan pentadbiran 4 buah bandar berkenaan bagi memudahcara proses perniagaan dan pembangunan, mengurangkan karenah birokrasi serta memudahkan kehidupan rakyat. Tambahan kepada itu, Lembah Klang Raya bertujuan membolehkan Kerajaan Tuanku memulakan proses rejuvenasi bandar-bandar matang bagi menarik pelaburan dalam industri baharu yang berteraskan digitalisasi agar Gagasan Lembah Klang Raya menjadi bandar yang berdaya tahan terutamanya dalam menghadapi cabaran perubahan iklim, bandar yang mampan, serta berdaya huni.

Langkah ini juga diilhamkan daripada pemerintahan nenda Tuanku iaitu Almarhum Sultan Abdul Samad yang diingati kerana jasa Baginda menyatakan semua wilayah di Selangor dan mewujudkan satu sistem pentadbiran dan perkuatian moden yang sistematik dan efisien di Selangor. Almarhum Sultan Abdul Samad akan sentiasa diingati sejarah sebagai Sultan Selangor yang memasyhurkan Kuala Lumpur dan memacu pertumbuhan ekonomi Negeri Selangor menerusi pelbagai aktiviti perekonomian dan merupakan perintis kepada pentadbiran negeri yang moden dan efektif.

Adalah menjadi hasrat pentadbiran Kerajaan Tuanku dengan mencipta pentadbiran Lembah Klang Raya ini akan memacu pertumbuhan ekonomi Negeri Selangor dan meletakkan Selangor sebagai negeri ulung di benua Asia Tenggara sebaris dengan wilayah terkemuka.

Kerajaan Tuanku juga berikhtiar merencana dan meningkatkan peluang bagi generasi muda di bumi Selangor untuk diberikan pekerjaan yang boleh menawarkan mereka gaji yang lebih tinggi dan berpatutan. Bagi merealisasikan hasrat itu, Kerajaan Tuanku akan membangunkan Majlis Kemahiran dan Pekerjaan Selangor bagi merealisasikan hasrat 100,000 peluang pekerjaan bergaji tinggi

bagi rakyat Tuanku, terutamanya dalam kalangan generasi muda.

Selain itu, patik serta pasukan penjawat awam akan memulakan proses Kajian Separuh Penggal Rancangan Selangor Pertama yang akan menggariskan beberapa inisiatif pembugaran ekonomi seperti pembangunan Dron Selangor, Pusat Kecerdasan Buatan Selangor, serta mengukuhkan sistem pengangkutan awam dengan membangunkan Jajaran Rel Kita Selangor dari Bandar Diraja Klang ke Kuala Selangor dan kemudiannya ke Tanjung Karang dan Sabak Bernam bagi membolehkan rakyat Tuanku yang netap di kawasan Pantai Barat dapat mengakses kawasan perekonomian maju di Lembah Klang dan Kuala Lumpur.

Ampun Tuanku,

Patik selaku Dato' Menteri Besar juga mahu menzahirkan tekad patik serta kerajaan Duli Yang Maha Mulia Tuanku untuk memperkuatkan serta melindungi dan meninggikan syiar agama Islam di Negeri Selangor.

Seyogia pada bulan Mei tahun 2023 Kerajaan Negeri buat julung-julung kali nyata telah melaksanakan Festival Turath Islami demi mengangkat harakat keilmuan Islam.

Hakikatnya Kesultanan Selangor dan leluhurnya sememangnya akrab dengan keilmuan dan turath Islami. Almarhum Raja Ali Haji merakamkan dalam Tuhfatun Nafis bahawa nenda beliau Yang Dipertuan Muda Riau keempat Almarhum Raja Haji Fisabilillah ketika syahid melawan Belanda di Teluk Ketapang pada bulan Jun 1784, di sebelah tangannya memegang badik manakala tangan lainnya memegang kitab Dalailul Khayrat; himpunan selawat buat Rasulullah SAW yang dikarang Imam Muhammad ibn Sulayman al-Jazuli rahimahullahtaala.

Tamadun dan Dunia Islam sejak abad-berabad, meniti-beratkan ilmu pengetahuan dan usaha untuk mendapatkan ilmu dan mendalaminya ilmu, dari Semenanjung Iberia al Andalus sehingga ke Nusantara, Dunia Islam tidak pernah lekang dengan para Ulama dan sarjana yang gigih menyebarkan agama Islam dan disiplin ilmu yang terkait dengannya serta pengetahuan yang memberikan manfaat kepada umat serta manusia secara amnya.

Kerana itulah juga Kerajaan Tuanku menekankan istilah turath yang secara amnya membawa makna warisan. Warisan keilmuan dan ketamadunan Dunia Islam itu begitu luas dan dalam. Seraya demikian, Kerajaan Tuanku mengangkat serta meraikan nama ulama besar iaitu Imam al-Ghazali dan karya beliau Ihya Ulumuddin.

Tambahan kepada itu, sebagai tanda dan komitmen mempermudahkan para jemaah dalam melaksanakan ibadah Haji di Baitullah, Kerajaan Tuanku akan mengukuhkan Insentif Haji Selangor

yang dilaksanakan tahun ini melalui wang saku kepada subsidi Haji pada tahun hadapan dengan kerjasama Lembaga Tabung Haji.

Ampun Tuanku,

Patik sekalian yakin dengan Izin Allah SWT dan diiringi doa Duli Yang Maha Mulia Tuanku, Kerajaan Tuanku mampu meneruskan kegemilangan Negeri Selangor untuk mengangkat harakat umat Melayu dan martabat serta karamah insan seluruh rakyat negeri ini.

Kerajaan Tuanku akan berusaha agar ilmu dan hikmah menjadi teras kepada usaha memartabatkan umat Islam di negeri ini. Berteraskan ilmu pengetahuan, umat Melayu akan tampan berkeyakinan, mampu bersaing dengan bangsa lain serta menzahirkan akhlak terpuji sesuai dengan Al-Quran dan Sunnah Rasulullah SAW.

Alhamdulillah Negeri Selangor telah melalui proses demokrasi menerusi Pilihan Raya Negeri 2023 pada Ogos lalu. Syukur Alhamdulillah kerana pesta demokrasi ini telah berlangsung dengan aman, tenteram dan stabil.

Rakyat telah melaksanakan tanggungjawab dan telah memilih Gabungan Perpaduan untuk terus mentadbir negeri dan menerajui pentadbiran Kerajaan Tuanku.

Gabungan Perpaduan yang mewakili seluruh rakyat berbilang kaum dan agama di Selangor telah dipilih membuktikan bahawa rakyat ingin melihat perancangan dan gagasan yang telah dibentang, terus dilaksana demi kemakmuran negeri tercinta.

Patik mewakili Kerajaan Perpaduan yang mentadbir negeri Selangor ingin menyatakan kesetiaan yang tidak berbelah bahagi kepada DYMM Sultan Selangor dan institusi Raja Melayu serta bertekad untuk terus memelihara keluhuran Perlembagaan Persekutuan dan Undang Undang Tubuh Negeri Selangor, hak keistimewaan orang Melayu dan kesucian agama Islam.

Di samping itu, Kerajaan Perpaduan akan terus berikhтир dan berusaha demi kesejahteraan semua rakyat Negeri Selangor yang berbilang bangsa dan agama, dan memelihara perpaduan yang dibina setelah sekian lama sebagai kerukunan rakyat Negeri Selangor.

Akhirul kalam Patik sekalian mendoakan semoga Allah SWT terus menganugerahkan DYMM Tuanku kekuatan dan keberkatan untuk terus kekal qarar bersemayam di atas Singgahsana Takhta Pemerintahan dengan penuh kebesaran, kedaulatan dan kesejahteraan.

Daulat Tuanku
Daulat Tuanku
Daulat Tuanku

Daripada patik yang taat setia.



DYMM Sultan Sharafuddin menyempurnakan Istiadat Pemeriksaan Kawalan Kehormatan Utama di Istana Alam Shah



Sultan Sharafuddin dan Tengku Amir Shah bersama Orang-Orang Besar Istana selepas istiadat penganugerahan di Istana Alam Shah



Baginda dan Tengku Amir Shah bergambar bersama Ahli-ahli Dewan Diraja Selangor sempena sambutan Ulang Tahun Hari Keputeraan



Orang-Orang Besar Daerah Selangor merakam kenangan bersama Sultan Sharafuddin dan Tengku Amir Shah



Sultan Selangor berkenan ke majlis bacaan Yasin, tahlil, doa selamat dan solat Jumaat di Masjid Negeri, Shah Alam pada 8 Disember



Dato' Menteri Besar menyampaikan Sembah Ucapan Taat Setia sempena Ulang Tahun Hari Keputeraan ke-78 Sultan Selangor



Setiausaha Kerajaan Negeri Dato' Setia Haris Kasim menerima Darjah Kebesaran Dato' Setia - Sultan Sharafuddin Idris Shah (S.S.I.S.)



DYMM Sultan Sharafuddin Idris Shah Alhaj dan DYMM Tengku Permaisuri Selangor Tengku Permaisuri Hajah Norashikin bersemayam di singgahsana pada Istiadat Penganugerahan / Pengurniaan Darjah dan Bintang Kebesaran. Di sisi kanan Baginda, Duli Yang Teramat Mulia (DYTM) Raja Muda Selangor Tengku Amir Shah.

DULI Yang Maha Mulia (DYMM) Sultan Selangor Sultan Sharafuddin Idris Shah Alhaj berkenan mengurniakan darjah dan bintang kebesaran kepada 97 penerima sempena Ulang Tahun Hari Keputeraan ke-78.

DYMM Raja Permaisuri Agong Tunku Azizah Aminah Maimunah Iskandariah mendahului senarai anugerah teratas Darjah Kerabat Selangor (D.K.).

Istiadat Penganugerahan dijadual berlangsung di Balairung Seri Istana Alam Shah, Klang pada 14 Disember.

Pada 11 Disember, Istiadat Penganugerahan/Pengurniaan Darjah dan Bintang Kebesaran Negeri Selangor berlangsung di tempat yang sama.

Pegawai tinggi persekutuan antaranya Panglima Angkatan Tentera dan Ketua Polis Negara menerima Darjah Kebesaran Seri Paduka Mahkota Selangor (S.P.M.S.).

Pemimpin tertinggi negeri termasuk EXCO antara penerima darjah kebesaran yang bergelar Dato' Setia, Dato' dan Datin Paduka.

Turut berangkat ke majlis itu, DYMM Tengku Permaisuri Selangor Tengku Permaisuri Hajah Norashikin dan DYT M Raja Muda Selangor Tengku Amir Shah.

Dato' Menteri Besar Dato' Seri Amirudin Shari menyampaikan Sembah Ucapan Taat Setia.

Selain rakaman jurufoto AHMAD ZAKKI JILAN dan FIKRI YUSOF, koleksi gambar ini ihsan Jabatan Penerangan Selangor, Bahagian Korporat Setiausaha Kerajaan Negeri dan Facebook Selangor Royal Office. Keterangan oleh HAFIZAN TAIB.



Darjah Kerabat Selangor Kedua (D.K.II) dianugerah kepada Ahli Dewan Diraja Selangor Tengku Dato' Setia Putra Alhaj Tengku Azman Shah Alhaj



Pegawai Kewangan Negeri Dato' Dr Ahmad Fadzli Ahmad Tajuddin menerima Darjah Kebesaran Dato' Paduka Mahkota Selangor (D.P.M.S.)



EXCO Kerajaan Tempatan dan Pelancongan Dato' Ng Suee Lim menerima Darjah Kebesaran Dato' Paduka Mahkota Selangor (D.P.M.S.)



Datuk Bandar Subang Jaya Dato' Mohd Fauzi Mohd Yatim menerima Darjah Kebesaran Dato' - Sultan Sharafuddin Idris Shah (D.S.I.S.)



Yang Dipertua Majlis Perbandaran Klang Noraini Roslan menerima Darjah Kebesaran D.S.I.S. yang membawa gelaran Datin Paduka



Pengarah Pejabat Tanah dan Galian Negeri Dr Yusri Zakariah menerima Darjah Kebesaran D.S.I.S. yang membawa gelaran Dato'



Timbalan Mufti Selangor Prof Madya Dato' Dr Miszairi Sitiris menerima Darjah Kebesaran Dato' - Sultan Sharafuddin Idris Shah (D.S.I.S.)

Tambah pam kurang risiko banjir

SHAH ALAM - Jabatan Pengairan dan Saliran (JPS) menambah pam di pintu kunci air Sungai Pinang, Pelabuhan Klang sebagai langkah pencegahan banjir di Kampung Tradisi Pulau Indah.

Wakil rakyat Pelabuhan Klang Azmizam Zaman Huri berkata JPS dan Central Spectrum (M) Sdn Bhd juga memecahkan ban sementara bagi pembinaan kunci air baharu di perkampungan Orang Asli.

"Ini antara usaha bagi mengurangkan risiko banjir di Kampung Tradisi Pulau Indah rentetan hujan lebat malam tadi (6 Disember) yang turun selama tiga jam hingga menghasilkan taburan hujan sebanyak 105 milimeter.

"Saya berterima kasih kepada JPS dan JPS Klang kerana berusaha bersama pejabat saya untuk mengatasi masalah banjir ini, termasuk Majlis Perbandaran Klang yang memantau sistem perparitan serta longkang di kawasan Pulau Indah," katanya menerusi video di TikTok.

Pergiat kempen carum di masjid

PETALING JAYA - Pusat Khidmat Masyarakat Kota Damansara akan mempergiat kempen bagi menggalakkan orang ramai mencarum bersama Pertubuhan Keselamatan Sosial (Perkeso).

Wakil rakyatnya Muhammad Izuan Ahmad Kasim turut berhasrat meluaskan kempen ke semua masjid dan surau melalui kerjasama Perkeso Selangor bagi memastikan lebih ramai menerima manfaat.

"Sebagai permulaan, kami mulakan dengan memastikan semua petugas di pusat khidmat DUN Kota Damansara mencarum Perkeso diikuti kempen menerusi program bertemu rakyat.

"Insya-Allah peringkat DUN Kota Damansara hasrat untuk meluaskan hebatan kempen caruman di seluruh masjid dan surau mulai tahun hadapan," katanya pada 12 Disember.

PNSB majikan pilihan sektor awam

SHAH ALAM - Permodalan Negeri Selangor Berhad (PNSB) merangkul Anugerah Emas kategori Majikan Pilihan Sektor Awam sempena Anugerah Sumber Manusia Malaysia-Antarabangsa 2023 ke-23.

Majlis yang berlangsung di Hotel Dorsett Grand Subang pada 8 Disember dianjurkan Institut Pengurusan Sumber Manusia Malaysia, kongsi PNSB di Facebook.

Institut Pengurusan Sumber Manusia Malaysia ialah ahli Persekutuan Persatuan Pengurusan Sumber Manusia Sedunia & Badan Profesional Sumber Manusia Malaysia.

Program dan pensijilannya kelolaan institut ini diiktiraf secara global sejak 1976.

Kukuh kerjasama industri latih pelajar

SHAH ALAM - Pentadbiran negeri akan memperkuuh kerjasama dengan syarikat industri teknologi tinggi tahun depan bagi melatih pelajar dalam bidang berkaitan sekali gus melahirkan ramai tenaga kerja bergaji tinggi.

Dato' Menteri Besar Dato' Seri Amirudin Shari berkata kerjasama dijalankan melalui Pusat Pembangunan Kemahiran Teknikal Selangor (STDC) untuk menawarkan pensijilan profesional kepada anak muda.

"Kerjasama dengan Siemens akan dikukuhkan dengan program baharu pembangunan aplikasi Mendix di Be-

landa termasuk KNX Brussels, Belgium yang merupakan pelopor teknologi bagi automasi pembinaan (building automation).

"(Sebelum ini), STDC menawarkan pensijilan profesional hasil kerjasama syarikat seperti Apple, Siemens, Dassault Systems dan Festo. Misalnya teknologi Digital Twin yang digunakan untuk simulasi oleh Dassault telah mula melatih pelajar dalam bidang ini," katanya.

Beliau menyaksikan majlis mendatangi memorandum persefahaman (MoU) bagi pembangunan modul

kurikulum automasi dan pendigitalan industri antara STDC serta Bahagian Pendidikan dan Latihan Teknikal Vokasional (BPLTV) Kementerian Pendidikan Malaysia (KPM) di sini pada 12 Disember.

Amirudin percaya STDC sedia mempergiat usaha mencapai hasrat Kerajaan Negeri untuk menawarkan 100,000 peluang pekerjaan bergaji tinggi kepada anak muda di Selangor.

"Kita bukan lagi fokus untuk menawarkan peluang pekerjaan tetapi memberi gaji yang tinggi dan berpatutan sepadan dengan masa kini," katanya.

Manfaat carum Perkeso

Terima faedah pencen bulanan

Oleh FITRI HAZIM HAZAM

PETALING JAYA - Pertubuhan Keselamatan Sosial (Perkeso) Selangor menyerahkan bayaran faedah pencen penakat dan pengurusan jenazah kepada waris kakitangan stesen penyiaran TV3 yang meninggal dunia akibat darah tinggi.

Pengaruhnya Ismail Abi Hashim berkata isteri Allahyarham Azman Hassan iaitu Roslina Ramli, 45, menerima faedah pengurusan RM2,000 dan pencen penakat RM2,946.67 sebulan sepanjang hayat.

"Bagi faedah pencen penakat, bayaran dibuat setiap bulan kepada isteri dan dibahagi sama rata kepada lima



anak arwah yang berusia lima hingga 19 tahun sehingga umur mereka 21 tahun.

"Semakan kami mendapati arwah mencarum bawah Akta 4, Akta Keselamatan Sosial Pekerja 1969 di bawah majikannya iaitu Media Prima Berhad," katanya di Flat Gugusan Mawar, Kota Damansara di sini pada 12 Disember.

Serahan faedah termasuk Kotak Prihatin berisi barang keperluan asas disampaikan Ahli Dewan Negeri Kota Damansara Muhammad Izuan Ahmad Kasim. Hadir sama, Pengurus Kumpulan Media Berhad Datuk Seri Dr Syed Hussain Aljunid.

Ismail turut menyeri semua majikan dan orang ramai lebih cakna untuk membuat caruman Perkeso bagi men-

jamin masa depan mereka terutama apabila berdepan musibah.

"Caruman Perkeso menjadi perlindungan buat keluarga jika perkara tidak diingini berlaku pada pekerja terbabit. Ia akan membantu keluarga merusukan kehidupan terutama waris yang tidak bekerja atau tidak mempunyai pendapatan tetap," katanya.

Sementara itu, Roslina bersyukur serta berterima kasih kepada Perkeso atas penyerahan faedah caruman yang membantu meringankan tanggungan keluarga.

"Alhamdulillah bantuan Perkeso ini dapat digunakan untuk memenuhi keperluan asas keluarga mendingkan saya tidak berkerja dan dua orang anak melanjutkan pengajian di universiti dan Sijil Tinggi Pelajaran Malaysia," katanya.

RM178,000 naik taraf lima sekolah

SHAH ALAM - Sejumlah RM178,000 disalur menerusi Program Bantuan Sekolah Negeri Selangor 2023 Siri 2 kepada lima sekolah bagi menyediakan persekitaran kondusif kepada pelajar.

Timbalan setiausaha kerajaan (pembangunan) berkata bantuan melibatkan keseluruhan 993 sekolah tahun ini dapat dimanfaatkan bagi membaik pulih kemudahan termasuk dewan, tandas, bumbung dan siling.

Jelas Dato' Johary Anuar, RM50,000 diagih kepada Sekolah Kebangsaan (SK) Labuhan Dagang, SK 2 Petaling Jaya (RM48,000), SK Desa Pinggiran Putra (RM40,000) manakala SK Seksyen 27 (2) dan Sekolah Menengah Kebangsaan Seri Bedena (RM20,000).

"Jumlah keseluruhan peruntukan (bagi program ini) untuk tahun ini adalah RM26.5 juta sekali gus menunjukkan keprihatinan Kerajaan Negeri terhadap keperluan pelajar dan sekolah.

"Diharap program bantuan berkaitan infrastruktur ini dapat memberi manfaat kepada semua yang terlibat dan dapat diteruskan pada masa akan datang," katanya di bangunan pentadbiran negeri pada 13 Disember.

Sementara itu, Guru Besar SK 2 Petaling Jaya, Rohanim Shahari berkata bantuan itu akan dimanfaat untuk menaik taraf pendawaian elektrik di sekolah berkenaan.



yang berusia 69 tahun.

"Kami amat berterima kasih kepada Kerajaan Negeri kerana kelulusan yang sangat pantas mengambil masa hanya sebulan selepas kami buat permohonan," katanya.

Guru Besar SK Labuhan Dagang, Mhd Sazali Jailani pula berkata bantuan berkenaan akan digunakan untuk pembinaan dewan terbuka yang bakal memanfaatkan 750 pelajar sekolah berkenaan.

"Sumbangan daripada Kerajaan Negeri ini amat kami hargai. Anggaran kos pembinaan dewan itu adalah RM300,000 dan kita sedang usahakan sumbangan daripada pihak lain juga," katanya.



Najwan mengimbas kod QR Platform Selangor (PLATS) untuk menebus baucar RM5 yang diberi percuma pada pengunjung ketika program PLATS Masuk Pasar di Setia Taipan, Shah Alam pada 7 Disember. Foto FIKRI YUSOF

Galak bayaran tanpa tunai

Perluas PLATS ke bazar Ramadan

Oleh SOFIA NASIR

SHAH ALAM - Kempen Platform Selangor (PLATS) akan diperluas ke bazar Ramadan seluruh negeri pada tahun depan bagi mendukung inisiatif pen-digitalan, kata EXCO pemberdayaan usahawan.

Najwan Halimi menjelaskan insiatif berkenaan juga meneruskan penggunaan Kupon Rahmah PLATS digital yang akan diedar kepada orang awam menerusi kod respon pantas (QR).

"Kempen ini lebih kepada untuk

memberi pendedahan kepada usaha-wan supaya mereka lebih bermotivasi selain menggalakkan penggunaan ba-yaran dalam talian.

"Untuk tahun depan, kita akan kenal pasti bazar Ramadan di seluruh negeri berbanding sebelum ini hanya dilaksanakan di Shah Alam dan Subang Jaya," katanya.

Beliau meninjau pelaksanaan Kempen PLATS Masuk Pasar dan pengedaran 2,000 kupon digital bernilai RM5 kepada pengunjung di pasar malam Setia Taipan di sini pada 7 Disember.

Najwan juga menambah seba-

nyak 9,000 kupon digital diedar kepada orang ramai membabitkan nilai RM45,000 sejak Kempen PLATS Masuk Pasar dilaksanakan pada bulan lalu.

Kempen PLATS Masuk Pasar di-adakan selama dua bulan bermula 19 November di 12 lokasi terpilih seluruh negeri dengan 20,000 Kupon Digital Rahmah bernilai RM5 diedar kepada pengunjung.

Kempen PLATS Masuk Pasar di-adakan selama dua bulan di 12 lokasi terpilih seluruh negeri dan sebanyak 20,000 Kupon Digital Rahmah bernilai RM5 akan diedar kepada pengunjung.

pas dimaklumkan baru saya tahu ia membantu jualan peniaga kecil seperti saya.

"Saya baru seminggu menggunakan aplikasi ini. Setakat ini mungkin saya akan teruskan penggunaan PLATS kerana melihat sambutan yang baik," katanya.

Sebanyak 2,000 kupon di-gital diedar kepada pengunjung sempena Kempen PLATS Masuk Pasar yang disempurnakan EXCO Pemberdayaan Usahawan Najwan Halimi.

Tingkat pendapatan peniaga

SHAH ALAM - Edaran Kupon Digital Rahmah bernilai RM5 sempena Kempen Platform Selangor (PLATS) mem-bantu meningkatkan jualan peniaga pasar malam Setia Taipan di sini.

Peniaga air balang Mohd Hairi Mat Haris, 34, berkata aplikasi yang diperkenal pen-tadbiran negeri memudahkan orang ramai, sekali gus memban-tu lebih banyak pengunjung berbelanja.

"Saya tengok ramai pelanggan sudah ada PLATS, jadi ia memudahkan mere-

ka untuk beli. Syukur kerana ia menjadi asbab ramai yang datang membeli hari ini," katanya pada 7 Disember.

Sementara itu, peniaga makanan bergoreng Muhd Rahmat Md Salim, 26, mengakui tidak mengetahui berkenaan PLATS se-hingga dikunjungi wakil agensi berkenaan, baru-baru ini.

"Sebelum ini memang tidak tahu langsung mengenai PLATS tetapi sele-



Peserta fellowship terjemah buku

SHAH ALAM - Peserta Selangor Fellowship Antarabangsa setuju menterjemah beberapa buku dari negara terbabit sejak ia diperkenal tahun lalu sempena Pesta Buku Antarabangsa Selangor (SIBF).

Pengarah Perbadanan Perpustakaan Awam Selangor (PPAS) Datin Paduka Mastura Muhamad berkata fasa baharu untuk pen-terjemahan dipersetujui lapan negara yang menyertai program itu termasuk Malaysia.

"Ini merupakan peluang cerah untuk penulis dan penerbit daripada negara ter-libat program menterjemah buku-buku berkualiti dan akan dijadikan sebagai projek rintis PPAS," katanya pada 5 Disember.

"Malah, sekali gus memberi ruang kepada penulis muda percaya dengan diri sendiri untuk mengasah bakat bukan sahaja untuk pasaran dalam negara tetapi luar negara."

Edar 3,000 Kupon Digital Rahmah

SHAH ALAM - Sebanyak 3,000 Kupon Di-gital Rahmah bernilai RM5 sempena Kempen Platfrom Selangor (PLATS) diedar kepada pengunjung pasar malam Bandar Baru Am-pang pada 14 Disember.

Ketua Komunikasi Sosial Korporat Men-teri Besar Selangor (Pemerbadanan) atau MBI Ahmad Azri Zainal Nor berkata RM15,000 diperuntuk bagi agihan kupon percuma tersebut kepada pengunjung.

"Penggunaan Kupon Rahmah PLATS di-gital diedar kepada orang awam melalui kod respon pantas (QR) untuk pembelian di bazar 90 peniaga yang berdaftar.

"Dato' Menteri Besar Dato' Seri Amirudin Shari turut hadir untuk meninjau proses agi-han itu. Orang ramai dijemput hadir untuk menebusnya melalui pembelian di bazar yang terlibat," katanya.

Ahmad Azri berkata inisiatif ini bertujuan menggalak pembayaran tanpa tunai di pasar terbabit selain membantu peniaga meningkat promosi jualan.

Sedia 18 lokasi tong sampah pukal

SHAH ALAM - Warga Hulu Selangor yang mahu membuang perabot lama atau ba-rangan secara pukal boleh menggunakan kemudahan tong sampah Roll On Roll Off (RORO) di 18 lokasi terpilih.

Majlis Perbandaran Hulu Selangor (MPHS) memaklumkan perkhidmatan se-hingga 21 Disember disediakan percuma un-tuk penduduk sempena perayaan Krismas.

"Penyediaan tong RORO berkapasiti tiga tan ini ditempatkan di sekitar Hulu Selangor iaitu di Batang Kali, Bukit Beruntung, Bukit Sentosa, Kuala Kubu Bharu dan lain-lain ka-wasan."

"Sasaran utama lokasi penempatan roro adalah di kawasan komuniti masyarakat dan penduduk yang menyambut perayaan Kris-mas," katanya di Facebook pada 12 Disember.

Lanjut permohonan ke tingkatan satu

SHAH ALAM - Permohonan kemasukan pelajar tingkatan satu ke sekolah kendalian Jabatan Agama Islam Selangor (Jais) tahun hadapan dilanjutkan hingga 31 Disember.

Urusan itu membabitkan sekolah agama menengah (SAM), sekolah agama menengah tinggi (SAMT), sekolah menengah agama bestari (Sambest) dan maahad integrasi tafsir Selangor (Mits).

"Syarat kemasukan adalah ibu bapa terdiri warganegara Malaysia dan perlu memenuhi syarat kelayakan akademik.

"Selain itu, pemohon pernah bersekolah di sekolah rendah agama Islam (SRAI), sekolah rendah agama (SRA), kelas al-Quran dan fardhu ain integrasi (KAFAI), sekolah rendah Islam (SRI) serta sekolah rendah Islam integrasi (SRII)."

Sebelum ini, permohonan kemasukan dibuka dari 7 hingga 22 Disember melalui pautan esekolah.jais.gov.my

MBMB puji PBT negeri cekap

KLANG - Majlis Bandaraya Melaka Bersejarah (MBMB) memuji pihak berkuasa tempatan (PBT) di Selangor yang cekap mengurus dan merancang pembangunan.

Datuk Bandarnya Datuk Shadan Othman berkata kelebihan yang dimiliki itu wajar dicontohi oleh semua PBT di negeri lain termasuk Melaka.

"Selangor bukan sahaja mempunyai pengurusan pelabuhan terbaik tetapi cara mereka menguruskan pembangunan juga amat dipuji dan wajar dicontohi.

"Seperti hari ini kita berada di perumahan baharu Bandar Raja iaitu perumahan biasa bukan strata tetapi ada pengawal di sini, ini yang saya agak terpergun," katanya pada 13 Disember.

Selain itu, Shadan turut memuji pelaksanaan caj pemajuan di Selangor dan berhasrat untuk mempelajarinya.

Sedia pelan bayar pembiayaan

SHAH ALAM - Yayasan Hijrah Selangor (Hijrah) menawarkan pelan pemulihan pembiayaan kepada peminjam yang berdepan masalah kewangan.

Agensi itu memaklumkan, menerusi pelan berkenaan pihaknya akan membantu usahawan menyusun semula jadual pembayaran balik.

"Kami bersedia membantu anda dengan tawaran Pelan Pemulihan Pembiayaan bagi menyusun semula jadual pembayaran balik anda.

"Hubungi pegawai kutipan di 18 Cawangan Hijrah Selangor untuk maklumat lanjut," katanya yang turut menghargai komitmen usahawan yang tidak culas membuat bayaran semula pembiayaan.

Persiap pelajar hadapi peperiksaan

KUALA SELANGOR - Lebih 1,000 calon Sijil Pelajaran Malaysia (SPM) dan Sijil Tinggi Persekolahan Malaysia (STPM) menyertai program Jelajah Tekad Pendidikan #KitaSelangor di Stadium Tertutup Kuala Selangor.

Program kendalian Yayasan Selangor diisi pelbagai acara spiritual dan keagamaan antaranya zikir munajat dan alunan qasidah sebagai persiapan rohani untuk berdepan peperiksaan utama.

Dianjur bersama Unit Perancang Ekonomi Negeri Selangor dan Keba-

jikan dan Amal Wanita Selangor (Pekawanis), pelajar 17 sekolah turut mendengar ceramah motivasi oleh guru tuisyen popular, Sir Badang.

Majlis disempurnakan dengan kehadiran Yang Dipertua Pekawanis Datuk Seri Masdiana Muhamad diiringi Pemangku Ketua Pegawai Eksekutif Yayasan Selangor Zaini Sulaiman pada 12 Disember.

Masdiana berkata aspek kerohanian jiwa elemen penting untuk menghadapi peperiksaan selain usaha dalam

mengulang kaji pembelajaran.

"Proses menimba ilmu yang dilaksanakan di sekolah itu hanya berlandaskan akademik sahaja, jadi kita anjurkan program seperti ini bagi mendekatkan pelajar dengan aspek kerohanian dan bergantung harap kepada Tuhan."

"Saya lihat program ini juga dapat sambutan yang agak baik. Insya-Allah kita tiada masalah untuk bekerjasama dengan Yayasan Selangor, bagi meneruskan program seperti ini pada masa hadapan," katanya.

Terima bantuan MBI, wakil rakyat

Tampung kos baiki rumah warga emas

Oleh **FITRI HAZIM HAZAM**

AMPANG JAYA - Warga emas terharu atas keprihatinan Menteri Besar Selangor (Pemerbadanan) atau MBI memberi sumbangan bagi membaiki rumahnya yang musnah dalam kebakaran April lalu.

Roslin Sulong, 74, berkata bantuan wang tunai RM3,000 meringankan bebaninya dan keluarga yang terpaksa menanggung kos tinggi untuk membaiki pulih kedianya.

"Saya berterima kasih kepada MBI atas sumbangan wang tunai termasuk wakil rakyat kawasan saya, Syed Abdul Rahman Alhadad atau Altimet yang akan turut bersama membantu proses kerja membaik pulih rumah ini.



"Sumbangan kedua-dua pihak memberi sedikit kelegaan buat saya memandangkan saya tidak bekerja dan tiada pendapatan," katanya pada 7 Disember.

Menceritakan kejadian jam 5.30 petang pada 25 April, Roslin berkata beliau berada di rumah anaknya yang tinggal bersebelahan bagi menemani cucu bermain di halaman.

"Tiba-tiba jeritan daripada anak beritahu rumah saya terbakar dan saya terus berlari menuju ke rumahnya.

"Memang tak sempat nak selamatkan banyak barang kerana kejadian berlaku terlalu cepat. Api merebak yang datang dari bengkel kereta sebelah rumah saya dilanda kebakaran," katanya yang tinggal bersama isteri.

Sementara itu, Altimet berkata seramai 12 sukarelawan Pusat Khidmat Dewan Undangan Negeri Lembah Jaya membantu kerja baik pulih rumah tersebut.

"Dengan bantuan wang tunai ini mempercepat lagi usaha kami melibatkan 12 anak muda bagi menjalankan kerja baik pulih seperti cat, penukarannya atau zink rumah serta kawasan yang terjejas teruk," katanya.

Usaha suburkan nilai agama

SHAH ALAM - Penganjuran Karnival Islamik Majlis Kebajikan dan Sukan Anggota-anggota Kerajaan (Maksak) 2023 bertujuan menyuburkan lagi nilai keislaman dalam kalangan penjawat awam.

Setiausaha Kerajaan Negeri berkata karnival empat hari sejak 30 November mempertandingkan acara tilawah al-Quran, daie dan nasyid kontemporari yang disertai 16 kontinjen seluruh

negara.

Dato' Haris Kasim menjelaskan karnival julung kali dengan Maksak Selangor selaku tuan rumah merupakan pembaharuan berbanding program sebelum ini lebih sinonim dengan acara sukan.

"Usaha dakwah seperti ini perlu diteruskan dan mungkin Maksak Malaysia boleh mempertimbangkan

tambahan acara lain seperti qasidah dan azan," katanya ketika penutupan karnival pada 3 Disember.

Acara tilawah al-Quran kategori Qari dimenangi wakil Sabah dan Qariah milik Terengganu, masing-masing membawa pulang RM400, pingat dan piala. Majlis Sukan Angkatan Tentera Malaysia pula memenangi acara daie dan nasyid kontemporari.

Jana potensi transaksi RM80 juta

SHAH ALAM - Konvensyen Bandar Pintar dan Ekonomi Digital (SDEC) Selangor ke-8 mampu menjana potensi nilai transaksi sehingga RM80 juta sekali gus menarik kehadiran lebih 15,000 pelawat.

Menurut Perbadanan Teknologi Maklumat Ekonomi Digital Selangor (Sidec), 54 padanan niaga, tawaran

platform untuk rangkaian, sesi dialog dan pembentangan 20 syarikat pemula dicatat.

Ketua Pegawai Eksekutifnya Yong Kai Ping berkata kejayaan Sidec dalam acara empat hari mulai 19 Oktober itu membuktikan peranan SDEC sebagai pelopor dalam meneraju transformasi digital.

"Ini mencerminkan komitmen tidak

berbelah bahagi untuk merevolusikan industri, memacu inovasi yang melebihi keperluan perniagaan yang berkembang dalam era digital.

"Kami meneraju tanggungjawab ke arah masa depan yang menyaksikan teknologi berintegrasi dengan lancar bersama-sama logistik dan keusahawanan," katanya seperti dilapor Bernama.



CERIA... Perdana Menteri Datuk Seri Anwar Ibrahim menyempurnakan penutup Program Setahun Bersama Kerajaan Madani di pekarangan Stadium Nasional Bukit Jalil, Kuala Lumpur pada 10 Disember. Foto Facebook Anwar Ibrahim

Saran penjawat awam terus cemerlang

Ikhtiar pertingkat produktiviti negara

SHAH ALAM - Perdana Menteri Datuk Seri Anwar Ibrahim mahu prestasi cemerlang penjawat awam diteruskan pada tahun depan termasuk menerapkan nilai-nilai baik dalam pentadbiran.

Berucap dalam Perhimpunan Bulanan Jabatan Perdana Menteri bagi Disember, beliau berkata nilai yang mendasari pentadbiran Malaysia Madani mengangkat martabat negara, lapor Bernama.

"Kalau kita ada nilai (baik), kita terapkan dalam Madani, saya yakin kita boleh angkat kerajaan dan hentikan

kelemahan lampau.

"Kita bina daripada kekuatan itu dan tinggalkan berlebih-lebihan yang berlaku, mudah-mudahan kita tutup tirai dengan semangat bersama dan membuka lembaran baru sejarah negara," katanya.

Anwar juga mengingatkan penjawat awam supaya tidak mengamal budaya terlalu selesa, sebaliknya perlu sentiasa berusaha untuk menjadi lebih cemerlang.

Justeru, beliau berharap penjawat awam sentiasa memperbaiki diri dan

mencari ikhtiar untuk meningkatkan produktiviti serta mengelakkan daripada kelemahan dan kekurangan.

"Itu yang saya usulkan dari awal supaya budaya dalam politik dan penjawat awam, memberi ruang mendengar pandangan, teguran, malah kritikan yang membina," katanya.

"Baiknya kalau ikut budaya masyarakat kita, orang umumnya bertanya kadang-kadang soalannya agak kritikal tapi sopan, kerana soal nilai dan akhlak itu dipertahankan," katanya.

Kutuk Amerika guna kuasa veto

SHAH ALAM - Malaysia kesal berikutan Amerika Syarikat (AS) menggunakan kuasa veto untuk menolak resolusi yang menggesa gencatan senjata segera dalam konflik antara Israel dan Palestin.

Perdana Menteri Datuk Seri Anwar Ibrahim kesal dengan sikap negara maju itu yang terus mempertahankan pembunuhan anak-anak kecil di Gaza, lapor Bernama.

"Saya bagi pihak kerajaan Malaysia mengutuk sekeras-kerasnya, membantah terhadap keputusan AS menolak gencatan senjata Majlis Keselamatan

Pertubuhan Bangsa-Bangsa Bersatu (PBB)," katanya.

Beliau mengulas keputusan AS pada 8 Disember yang merencan desakan untuk menjayakan gencatan senjata yang diketuai Setiausaha Agung PBB Antonio Guterres dan negara-negara Arab.

Perdana menteri ditemui pemberita selepas meluangkan kira-kira sejam melawat Program Setahun Bersama Kerajaan Madani di pekarangan Stadium Nasional Bukit Jalil pada 9 Disember.

Menurut Wisma Putra pada 10 Disember, Malaysia kesal berikutan

resolusi yang mendapat sokongan 102 negara termasuk Malaysia untuk menamatkan serangan ke atas Gaza digagalkan.

Dalam kenyataan, Malaysia berpendirian rakyat Palestin berhak memiliki negara sendiri yang berdaulat berdasarkan sempadan sebelum 1967 dengan Baitul-maqdis Timur sebagai ibu negara.

Mengikut laporan Agensi Berita Palestin yang memetik Kementerian Kesihatan negara berkenaan, angka kematian meningkat kepada 17,674 orang manakala lebih 49,300 individu cedera.

Perkasa seni, budaya Islam

SHAH ALAM - Karya seni dan budaya Islam harus diperkasa seiring pelaksanaan konsep Malaysia Madani, kata Perdana Menteri Datuk Seri Anwar Ibrahim.

Beliau berkata konsep itu bukan bermakna melonjakkan ekonomi tetapi juga membangunkan seni dan budaya kerana ia antara tonggak kebangkitan di rantau ini, lapor Bernama.

Perdana menteri mengajak seluruh rakyat khususnya anak muda untuk memanfaatkan Muzium Kesenian Islam Malaysia yang memamer sorotan sejarah kesenian dan kebudayaan Islam.

"Sama ada untuk orang Islam atau mereka daripada agama lain, pengetahuan mengenai kebudayaan Islam seharusnya direkodkan dan disimpan," katanya.

Anwar melancarkan Pameran 'Perjalanan Menelusuri Seni Islam' dan 'Alif Lam Ra: Kaligrafi Kontemporari Muslim' sempena ulang tahun ke-25 muzium berkenaan pada 12 Disember.

Dakwaan hapus subsidi tidak benar

SHAH ALAM - Dakwaan kononnya subsidi diesel akan dihapus bagi penggunaan kendaraan mulai 1 Januari tidak benar, kata Kementerian Perdagangan Dalam Negeri dan Kos Sara Hidup.

Sebaliknya, kementerian itu melaksanakan projek rintis bagi melihat keberkesan sistem fleet card dan Sistem MySubsidy Diesel melibatkan enam syarikat yang berakhir pada 14 Januari.

Dalam kenyataan pada 13 Disember, projek rintis berkenaan sama sekali tidak melibatkan pengguna kendaraan diesel individu seperti dakwaan di media sosial, lapor Bernama.

"Kementerian berharap agar tidak ada mana-mana pihak menghebah sesuatu perkara yang tidak jelas dan boleh mengelirukan orang ramai," menurut kenyataan itu lagi.

Hulur sumbangan pejuang Reformasi

SHAH ALAM - Perdana Menteri Datuk Seri Anwar Ibrahim menghulur sumbangan kepada 150 individu yang juga pendukung asal Gerakan Reformasi dalam Program Madani Kasih.

Bantuan berkenaan disampaikan Setiausaha Politiknya Ahmad Farhan Fauzi dalam majlis di Kelab Tasik Putrajaya pada 13 Disember, lapor Bernama.

"Semua penerima merupakan pendukung asal reformasi yang kini sudah lanjut usia dan mempunyai masalah kesihatan."

"Saya berharap agar bantuan ini akan sedikit sebanyak meringankan beban mereka, Insya-Allah," kata Anwar di Facebook.

SKMM sekat laman lucuh, LGBT

SHAH ALAM - Kementerian Komunikasi dan Digital menyekat mana-mana platform media sosial yang bahan kandungan atau paparannya mempengaruhi, menjas serta merosakkan moral masyarakat.

Menterinya Fahmi Fadzil berkata sekatan turut melibatkan laman sesawang yang mempromosi produk seks serta laman berunsur seks songsang.

Menjelaskan 7,097 laman sedemikian disekat antara 2018 hingga 30 November, beliau berkata tindakan sama dari semasa ke semasa bertujuan membendung penyalahgunaan media sosial.

"Langkah membendung kes sebegin juga disusuli tindakan penurunan kandungan, penguasaan dan pendakwaan," katanya di Dewan Negara seperti dilapor Bernama pada 11 Disember.

Beliau menegaskan kerajaan serius membendung penyalahgunaan media sosial yang menyalahi undang-undang termasuk kandungan berunsur lesbian, gay, biseksual dan transgender (LGBT).

Saran bincang dengan PIBG

SHAH ALAM - Pengurusan sekolah harus berbincang dengan ibu bapa dan atau Persatuan Ibu Bapa dan Guru (PIBG) sebelum mengadakan termasuk graduasi pelajar di hotel atau tempat mewah.

Menteri Pendidikan Fadhlina Sidek menjelaskan langkah tersebut bertujuan mengelak ibu bapa terbeban meski sekolah memiliki autonomi untuk membuat sebarang majlis berkaitan.

"Saya percaya ruang perbincangan jalan terbaik bagi mengelak timbul lagi isu berkenaan pada masa depan."

"Ini bagi memastikan majlis itu bersesuaian mengikut kemampuan ibu bapa dan dipersetujui bersama," katanya di Pusat Pembangunan Kemahiran Teknikal Selangor (STDC) di sini pada 12 Disember.

Beliau mengulas laporan berhubung pengajuran majlis sekolah di hotel dengan bayaran mencecah ratusan ringgit.

Elak guna baja tinja ayam

SHAH ALAM - Kementerian Pertanian dan Keterjaminan Makanan tidak menggalakkan penggunaan baja tinja ayam walaupun tiada peruntukan undang-undang yang menghalang penggunaannya.

Menterinya Datuk Seri Mohamad Sabu berkata bahan tersebut menyebabkan ketidaksesuaian orang ramai kerana berbau busuk dan boleh menyebabkan kelecuran jika bersentuhan dengan tanaman.

"Penggunaan baja tinja ayam juga boleh menyebabkan jangkitan penyakit kepada manusia," katanya di Hari Keusahawanan dan Kurikulum seperti dilapor Bernama pada 13 Disember.

Covid-19: Kes naik tetapi terkawal

SHAH ALAM - Kes Covid-19 meningkat kepada 6,796 kes antara 26 November hingga 2 Disember berbanding 3,626 yang dicatat pada minggu sebelumnya, kata ketua pengarah kesihatan.

Datuk Dr Muhammad Radzi Abu Hassan berkata 72.9 peratus daripada varian membimbangkan (VOC) yang dikesan adalah Omicron, diikuti 26.2 peratus Delta, selebihnya Beta dan Alpha.

"Hingga kini, tiada varian baharu dikesan di Malaysia dan tiada petunjuk varian yang beredar secara tempatan

lebih mudah berjangkit atau menyebabkan penyakit lebih teruk," katanya.

Beliau menjelaskan keadaan di Malaysia secara keseluruhan terkawal dan penularan itu tidak membebankan pusat kesihatan sedia ada meski ada peningkatan kes, lapor Bernama.

"Kementerian akan terus memantau situasi dan varian Covid-19 dari semasa ke semasa serta sentiasa bersiap siaga menghadapi sebarang kemungkinan yang akan berlaku," katanya.

Beliau juga menasihati orang ramai mengekal tahap kebersihan diri, kerap

membasuh tangan menggunakan air dan sabun atau alat nyahkuman se-lain membuat ujian pengesan jika bergejala.

Pesakit perlu bertemu doktor jika gejala bertambah teruk khususnya kelompok berisiko tinggi manakala individu bergejala diminta berehat di rumah dan tidak ke tempat awam.

Individu bergejala turut dinasihat memakai pelitup muka bagi menge-lakkan jangkitan terhadap golongan warga emas, pesakit kronik, individu berimuniti rendah dan ibu hamil.

PM arah percepat tempoh kelulusan

Bina 500,000 rumah mampu milik

SHAH ALAM - Perdana Menteri Datuk Seri Anwar Ibrahim menekankan kepentingan untuk menyediakan 500,000 unit rumah mampu milik dalam Rancangan Malaysia Ke-12 demi manfaat seluruh rakyat.

Beliau mengulangi saran untuk mempercepat tempoh kelulusan pembangunan supaya kemudahan itu menarik minat dan memudah cara pemaju untuk menyediakan lebih banyak perumahan mampu milik.

"Sekali lagi saya memberi penekanan

kepada usaha mempercepat tempoh kelulusan pembangunan supaya memangkinkan pelaburan dan memperbaiki tahap memudah cara perniagaan," katanya.

Terdahulu, Anwar mempengerusikan Mesyuarat Majlis Perumahan Mampu Milik Negara 2023 bagi membincangkan isu perumahan peringkat persekutuan, negeri dan pemain industri.

Perdana menteri juga menjelaskan konsep Perumahan Inklusif Madani dengan kerjasama Dewan Bandaraya

Kuala Lumpur (DBKL) menjadi teras pembangunan kediaman mampu milik di negara ini.

Beliau menambah penyediaan unit rumah sedemikian untuk pelbagai golongan sasaran di ibu kota turut dilaksanakan bersama agensi lain.

"Kerajaan komited menjayakan agenda bagi membantu rakyat tanpa mengira kumpulan pendapatan mendiami perumahan selesa dan harmoni bagi mendukung pembentukan masyarakat Madani," katanya.

Tiga bekas menteri sertai Kabinet

SHAH ALAM - Tiga bekas menteri kembali menganggotai barisan Kabinet dalam rombakan pertama Kerajaan Perpaduan yang dipimpin Perdana Menteri Datuk Seri Anwar Ibrahim.

Dalam sidang media khas pada 12 Disember, Datuk Seri Dr Dzulkefly Ahmad kembali memegang portfolio lama sebagai menteri kesihatan yang pernah disandangnya dari 2018 hingga 2020.

Ahli parlimen Kuala Selangor itu menggantikan Dr Zaliha Mustafa yang kini memegang jawatan baharu sebagai menteri di Jabatan Perdana Menteri (Wilayah Persekutuan).

Ahli Parlimen Damansara Gobind Singh Deo pula dilantik sebagai menteri digital. Timbalan pengurus DAP itu memegang portfolio menteri komunikasi dan digital dari 2018 hingga 2020.

Wakil rakyat Titiwangsa Datuk Johari Abdul Ghani dilantik sebagai menteri perlادangan dan komoditi yang sebelum ini disandang Timbalan Perdana Menteri Datuk Sri Fadillah Yusof.

Naib presiden Umno itu pernah memegang jawatan menteri kewangan kedua dari 2016 hingga 2018 dan timbalan menteri kewangan antara 2015 hingga 2016.

Anwar turut mengumumkan Steven

Sim Chee Keong sebagai menteri sumber manusia manakala Datuk Seri Amir Hamzah Azizan yang dilantik senator memegang jawatan menteri kewangan II.

Tiga yang digugurkan ialah V Sivakumar (menteri sumber manusia), Ramkarpal Singh (timbalan menteri undang-undang) dan Datuk Siti Aminah Aching (timbalan menteri perlادangan dan komoniti).

Berdasarkan pengumuman tersebut, jumlah jemaah menteri bertambah daripada 28 kepada 31 orang manakala timbalan menteri (27 kepada 29 orang). Bilangan keseluruhan 60 orang.

Kes denggi meningkat 11 peratus

SHAH ALAM - Kes demam dengan meningkat 11.2 peratus kepada 2,988 kes pada Minggu Epidemiologi ke-48 antara 26 November hingga 2 Disember berbanding 2,686 pada minggu sebelumnya.

Ketua Pengarah Kesihatan Datuk Dr Muhammad Radzi Abu Hassan men-

jelaskan kumulatif kes dalam tempoh sama naik 91.3 peratus kepada 111,417 kes berbanding 58,239 kes pada sama tahun lalu.

"Sebanyak 84 kematian akibat komplikasi demam dengan dilapor berbanding 39 bagi tempoh sama pada 2022,"

katanya seperti dilapor Bernama pada 12 Disember.

Dr Muhammad Radzi berkata bilangan lokasi kekerapan kes denggi dalam tempoh tersebut sebanyak 95 lokality berbanding 79 pada minggu sebelumnya, tertinggi di Selangor iaitu 71 lokality.



Borhan melawat pameran Taman Warisan Lombong Bijih Timah Negara sempena Pengisian Sejarah Kapal Korek di Malaysia 'Menghidupkan Kembali Sejarah Revolusi Industri Selangor' di Kuala Lumpur pada 4 Disember. Foto ZAREEF MUZAMMIL

Baik pulih jentera seberat 5,000 tan

Kapal korek ikon sejarah negeri

Oleh ZAREEF MUZAMMIL

KUALA LUMPUR - Kapal Korek Sri Banting di Pekan Dengkil, Sepang yang tamat operasi pada 2001 susulan kejatuhan harga timah akan dibaik pulih untuk dijadikan ikon tinggalan sejarah.

EXCO Kebudayaan Borhan Aman Shah menjelaskan kerja kimpalan dan pembaikan kapal seberat 5,000 tan yang dibeli Majlis Perbandaran Sepang (MPSepang) itu dijangka memakan masa dua tahun.

Menjelaskan kapal berusia 49 tahun itu ada kebocoran, beliau berkata tender dikeluarkan untuk melantik kontraktor bagi mengapungkan semula

kapal tersebut yang kini berada dalam tasik.

"Kerja baik pulih bukan sesuatu yang mudah dan mereka perlu surutkan air (tasik) dengan membina satu empangan. Proses akan jadi rumit tanpa kepakaran."

"Kerja itu akan bermula selepas kontraktor dilantik. Tiga syarikat sudah masuk tender tetapi kita buka lagi tawaran kepada orang yang lebih berpengalaman," katanya.

Beliau menghadiri majlis Pengisian Sejarah Kapal Korek di Malaysia 'Menghidupkan Kembali Sejarah Revolusi Industri Selangor' di Arkib Negara Malaysia di sini pada 4 Disember.

Yang dipertua MPSepang pula berkata kapal itu akan dijadikan mu-

zium hidup (living museum) melalui teknologi kecerdasan buatan (AI) dan realiti maya seperti hologram serta sistem audio.

Dato' Abd Hamid Husain berkata pengunjung bakal merasai pengalaman berada di kapal korek yang juga menempatkan muzium menyimpan khazanah, dokumen, perkakas kerja dan komponen kapal.

Kapal Korek Sri Banting satu-satunya yang wujud di Selangor selain Kapal Korek Tanjung Tualang 5 di Batu Gajah, Perak.

Tinggalan struktur jentera berukuran 86 meter panjang dan 22 meter hingga 29.3 meter lebar itu antara kapal korek terbesar dan termoden di Asia Tenggara.

Hargai usaha ceria lorong belakang

SHAH ALAM - Majlis Perbandaran Ampang Jaya (MPAJ) menerima tiga pengiktirafan Malaysian Institute of Planners (MIP) sempena MyPlace Award 2023.

Dalam majlis di Petaling Jaya baru-baru ini, pihak berkuasa tempatan itu menerima Anugerah Nilam bagi kategori Lorong Belakang dan Lorong Bahu Jalan menerusi projek Lorong

Ampang Mampan.

"MPAJ juga menerima Anugerah Nilam bagi kategori Pertanian Bandar daripada projek Kebun Komuniti Pendidikan MPAJ (Kebun Komuniti Ceria Indah).

"MPAJ turut menerima pengiktirafan pemenang khas bagi kategori Pertanian Bandar menerusi Kebun Komuniti Kitar Semula MPAJ (Kebun Komuniti

Cemara)," kata kenyataan di Facebook.

Anugerah disampaikan Presiden MIP Datuk Noraida Saludin kepada Yang Dipertua MPAJ Dr Ani Ahmad dan Setiausaha MPAJ Julaiyah Jamaludin.

MyPlace Awards 2023 anjuran MIP diadakan bagi mengiktiraf kecemerlangan pihak berkaitan dalam usaha menambahbaik kawasan awam yang memberi dampak positif kepada komuniti.

Raih dua anugerah bandar mampan

SHAH ALAM - Majlis Perbandaran Klang (MPK) menerima anugerah atas kejayaan melengkapkan pelan hala tuju Matlamat Pembangunan Mampan sempena Forum Bandar Malaysia di Kuching pada bulan lalu.

Yang Dipertua Noraini Roslan menjelaskan anugerah yang disampaikan Menteri Pembangunan Kerajaan Tempatan Nga Kor Ming mengiktiraf kemajuan MPK terhadap inisiatif berkenaan.

"Penyediaan laporan bagi mengukur pelaksanaan dan tindakan MPK dalam menterjemah agenda global untuk mengatasi isu tempatan dan menyelaraskan dasar tempatan, negeri dan kebangsaan," katanya.

Beliau menambah pihak berkuasa tempatan tersebut turut menerima anugerah pelaksana awal bandar pintar daripada Kementerian Pembangunan Kerajaan Tempatan di Putrajaya.

Potongan denda kesalahan trafik

SHAH ALAM - Majlis Perbandaran Klang (MPK) menawarkan pengurangan kompaun serendah RM15 kepada orang ramai sempena sambutan Hari Krismas.

Yang Dipertua Noraini Roslan menjelaskan kempen sehingga 31 Disember itu melibatkan denda pelbagai kesalahan trafik.

"Orang ramai disaran untuk menjelaskan tunggakan kompaun dengan kadar serendah RM15 sebelum tindakan lebih tegas diambil termasuk pendakwaan di mahkamah," katanya.

Beliau juga menjelaskan tawaran berkenaan tidak tertakluk kepada kesalahan meletak kereta di petak khas atau di petak orang kurang upaya.

Kompaun tertungggak RM204 juta

SHAH ALAM - Sebanyak RM204.8 juta tunggakan kompaun pelbagai kesalahan direkod Majlis Bandaraya Shah Alam (MBSA) sejak 1978, kata Pemangku Datuk Bandar Ir Cheremi Tarman.

Beliau menjelaskan jumlah tunggakan tersebut dikesan dari awal penubuhan pihak berkuasa tempatan berkeraan hingga September lalu yang keseluruhannya membabitkan 2,931,832 notis.

"Jumlah kompaun tertinggi yang dikeluarkan adalah bagi kesalahan parkir seperti gagal memamer kupon letak kereta secara jelas dan sah.

"Kesalahan lain mempunyai kompaun tunggakan tinggi kenderaan muatan lebihan, premis yang tidak mempunyai lesen perniagaan serta peniaga gerai yang menjalankan operasi tanpa permit," katanya.

Cheremi menambah pihaknya sering menganjurkan kempen termasuk menambah saluran bayaran atas talian bagi memastikan pemilik kompaun menjelaskan tunggakan mereka.

Sumbang RM36,000 buat maahad tafif

SHAH ALAM - Perbadanan Wakaf Selangor (PWS) menyulur sumbangan wakaf RM36,180 kepada Asrama Putera Maahad Ihya' Al Ahmadi, Banting baru-baru ini.

Agensi itu memaklumkan sumbangan tersebut dilakukan dengan kerjasama Bank Muamalat Malaysia Berhad melalui Sumbangan Wakaf Selangor Muamalat.

"Semoga dengan serahan wakaf ini pihak maahad dapat memasang kekili hos (hose reel) sekali gus dimanfaatkan pelajar dan guru di sini," katanya.

Majlis serahan sumbangan disempurnakan Timbalan Ketua Pegawai Eksekutif PWS Anuar Hamzah Tohar kepada Pengetua Maahad Ihya' Al Ahmadi Ustaz Hazren Ahmad.

UIS teroka bidang kewangan, bank

SHAH ALAM - Universiti Islam Selangor (UIS) memeterai memorandum persefahaman (MoU) dengan institut perbankan dan kewangan dari Bahrain dalam kerjasama pengendalian kursus profesional bidang tertentu.

Perjanjian bersama Bahrain Institute of Banking and Finance dan Pusat Penyelidikan Antarabangsa bagi Ekonomi dan Kewangan Islam UIS meliputi penerokaan program pembinaan kapasiti, syarahan awam, persidangan dan latihan.

Menurut Bahagian Komunikasi Korporat UIS, memorandum perjanjian (MoA) dengan badan pengauditan dan perakaunan Bahrain turut dimeterai pada 30 November.

"MoA itu membabitkan kerjasama UIS menjadi ahli gabungan badan itu dan sebagai pusat pendaftaran calon bagi program AAOIFI," kata kenyataan di Facebook.

Bantu bina asrama anak yatim

SHAH ALAM - Sumbangan orang ramai diperlukan bagi menjayakan pembinaan Kompleks Asrama Anak Yatim di Pulau Indah yang dijangka siap sepenuhnya pada hujung Januari 2026.

Yayasan Islam Darul Ehsan (Yide) memaklumkan projek dengan kerjasama pihak Central Spectrum (M) Sdn Bhd itu mampu memuatkan 200 anak yatim selain kemudahan lengkap seperti surau dan dewan.

"Kami mengalu-alukan sumbangan masyarakat untuk membantu menjayakan pembinaan ini yang akan memberi manfaat kepada anak yatim yang bakal mendiami kompleks tersebut," katanya di Facebook.

Untuk menyumbang boleh layari pautan pay.infaqyide.com.my/.../KOMPLEKS-ASRAMA-ANAK atau <https://yide.com.my/donat/.../infaq-dana-kompleks-anak-yatim/>

Perluas program selawat ke daerah

SHAH ALAM - Program Darul Ehsan Berselawat anjuran Pertubuhan Kebajikan dan Amal Wanita Selangor (Pekawalis) diteruskan tahun hadapan dengan menjelajah ke semua sembilan daerah.

Yang Dipertua Datin Seri Masdiana Muhamad berkata hasrat memperluas program yang dijadual bermula Mac bertujuan menerapkan amalan zikir dan selawat dalam kalangan orang Islam.

"Program ini dianjur dengan kerjasama Pejabat Dato' Menteri Besar. Kita tidak mahu hanya anjur di Shah Alam sahaja, lebih elok jika program selawat ini dianjur ke daerah-daerah."

"Ini masanya kita bertemu mereka selain mahu mengangkat qasidah Melayu yang lebih mudah difahami serta dihayati," katanya pada 5 Disember.

Program itu pertama kali dianjur

pada Januari di pekarangan Stadium Shah Alam yang disertai lebih 10,000 umat Islam diikuti pada 30 Julai di Stadium Tertutup Malawati Shah Alam.

Dalam perkembangan lain, Masdiana berkata sebanyak RM287,000 diperuntuk kepada 1,230 penerima di 41 Dewan Undangan Negeri (DUN) sempena sambutan Deepavali baru-baru ini.

Ibu tunggal terima anugerah Lzs

Majukan perniagaan arwah suami

Oleh **FITIRI HAZIM HAZAM**

SHAH ALAM - Ibu tunggal yang mengikuti kursus bimbangan kendalian Lembaga Zakat Selangor (Lzs) untuk meruskan perniagaan tinggalan Allahyarham suaminya menerima anugerah khas.



Yusma Yunus, 54, berbincang Lzs membantu perniagaan produk makanan sejuk termasuk berdepan Perintah Kawalan Pergerakan dan banjir besar pada 2021 yang memusnahkan peralatan niaga.

Penerima Anugerah Khas-Asnaf

Bestari 2022 itu menghadiri pelbagai kursus keusahawanan anjuran Lzs untuk menimba ilmu sejak 2016 hingga keluar dari status asnaf pada Disember tahun lalu.

"Hasil keuntungan perniagaan di Kampung Labohan Dagang, Banting mencecah RM7,000 sebulan. Saya juga menabur bakti sebagai penolong amil kariah setelah dilantik Lzs," katanya.

Ibu empat anak yang kematian suami pada 2008 dan turut menerima bantuan pendidikan antara penerima anugerah sempena Majlis Anugerah Asnaf Cemerlang 2023 anjuran Lzs pada 3 Disember.

Penerima Anugerah Pelajar Cemerlang Sijil Pelajaran Malaysia (SPM) pula berkongsi kepahaman ibunya membesarkan lima adiknya untuk mengubah nasib keluarga menerusi pelajaran.

Luqman Null Hakiem Abdul Bari Arbee, 18, yang memperoleh 11A kini menyambung pengajian di Universiti Teknologi Petronas memasang impian untuk bergelar penganalisis data.

Sementara itu, penerima Anugerah Khas Ikon Mualaf 2022 kata Ridzuan Ong berkata bimbingan agama dan keusahawanan membantunya meraih pencapaian termasuk menuju Syarahan Program Mahrajan Amal Islam Mualaf peringkat kebangsan 2022 di Terengganu.

Teroka sejarah, hargai khazanah

SHAH ALAM - Seramai 41 pelajar termasuk staf antarabangsa Universiti Selangor (Unisel) dari tujuh negara mengadakan lawatan budaya ke Perak bagi menimba pengalaman dan merokong warisan sejarah negeri itu.

Pengarah Pejabat Antarabangsa Unisel berkata lawatan pada 8 Disember sejarah aspirasi Malaysia Madani untuk menjadikan pelajar sebagai duta kecil

dalam memperkuuh kepelbagaiannya budaya.

"Program ini bukan sekadar lawatan bahkan perjalanan transformasi yang merentasi sempadan dan membentuk pemimpin masa depan."

"Pelajar berperanan memperkenalkan negara melalui pengalaman langsung mengenai tempat bersejarah. Mereka menjadikan lawatan bu-

daya sebagai medium pertukaran pendapat dan saling mengenali," kata Prof Madya Dr Astri Yulia dalam kejayaan pada 11 Disember.

Beliau berkata kunjungan ke Kellie's Castle membuka peluang mengenali seni bina istana zaman pemerintahan terdahulu manakala program di Tasik Cermin menyajikan keindahan khazanah alam semula jadi.

Dana selebriti sebar luas Islam

SHAH ALAM - Lembaga Zakat Selangor (Lzs) menyediakan peruntukan kepada selebriti tempatan yang giat berdakwah menyebar dan menegangkan syiar Islam.

Ketua Divisyen Kutipannya Muhd Fikri Naim Harun berkata dana bawah kategori fissabilillah boleh disalur jika pemohon memenuhi syarat tertentu.

"Memang kita ada sediakan peruntukan ke arah itu. Apa yang mereka per-

lu lakukan adalah datang ke Lzs untuk mendapatkan maklumat lebih lanjut dan seterusnya membuat permohonan."

"Sekiranya segala syarat ditetapkan dipenuhi, kita akan salur bantuan tersebut," katanya dalam program dakwah Selebriti Bersama Mufti baru-baru ini.

Beliau juga menjelaskan keutamaan bantuan kepada asnaf fakir, miskin, mualaf dan amil sebelum diagih kepada

da kumpulan lain seperti al-riqab, asnaf al-gharimin dan ibnu al-sabil.

Sementara itu, pasangan selebriti Zamarul Hisyam dan Diana Rafar memperkenal inisiatif khas bagi meringankan beban artis veteran kian terpinggir.

Dikenali sebagai Dari Poket Artis ke Poket Artis, Zamarul, 52, berkata usaha cetusan Diana, 41, tidak hanya menumpukan kutipan derma, sebaliknya penyatuannya selebriti baharu dan lama.



Pemain Gombak FA meraikan kejayaan menjuara Liga Juara Selangor 2023 selepas menewaskan Kampong Bharu Boss 1-0 di Arena Majlis Bandaraya Subang Jaya pada 10 Disember. Foto Persatuan Bola Sepak Selangor

Rai kejayaan SCL 2023

Gombak FA tumpu Liga Super FAS

Oleh AFIX REDZUAN

SHAH ALAM - Gombak FA membuat persiapan rapi menjelang Liga Super FAS yang berlangsung bulan hadapan selepas mencapai sasaran menjuara Liga Juara Selangor (SCL 2023).

Menurut Persatuan Bola Sepak Daerah Gombak, dua kekalahan dalam separuh akhir Piala FA Selangor dan Liga Super Selangor tahun ini menyuntik semangat untuk beraksi cemerlang sepanjang kejohanan itu.

Mengakui berdepan cabaran, Presidennya Muadzam Mohamed Shariff menjelaskan pelbagai strategi dirancang termasuk mengubah corak perlawanan

bagi memastikan kemenangan milik pasukan itu.

"Kemenangan ini bukan mudah. Sepanjang tujuh perlawanan Liga Juara Selangor, kita memiliki satu kekalahan, dua seri dan empat kemenangan dan meletakkan Gombak FA di tempat pertama kumpulan A.

"Alhamdulilah, Gombak FA juara (SCL 2023) dan membuktikan kita yang terbaik di dalam Liga Selangor," katanya pada 12 Disember.

Beliau berkata sokongan semua pihak termasuk Dato' Menteri Besar Dato' Seri Amirudin Shari selaku penaung persatuan membantu tadbir urus pasukan lancar.

Muadzam berkata pihaknya menerusi pasukan Gombak City FC turut meletak-

kan sasaran menjuara Liga M4 Malaysia tahun depan, seterusnya layak ke Liga M3 dan menjadi pasukan bertaraf profesional.

Sementara itu, Ketua Jurulatih Mohd Adil berpuas hati dengan persembahan cemerlang pasukan sepanjang kejohanan tersebut dengan setiap pemain mendengar arahan sebaiknya.

"Saya juga mengucapkan tahniah kepada pasukan Kampong Bharu Boss yang mara ke perlawanan akhir dan memberi saingan sengit," katanya.

Gombak FA menjuara SCL 2023 selepas menewaskan Kampong Bharu Boss 1-0 hasil jaringan tunggal Qamarul Ariffin pada minit ke-50 di Arena Majlis Bandaraya Subang Jaya pada 10 Disember.

Nur Izzati ratu pecut Asia Tenggara

SHAH ALAM - Skuad kebangsaan cemerlang meraih empat emas, lima perak dan 12 gangsa dalam Kejohanan Olahraga Remaja Asia Tenggara di Bangkok, Thailand yang berakhir pada 9 Disember.

Lebih membanggakan, pelari remaja Nur Izzati Eliana Suhaidi, 17, dinobat ratu pecut selepas memenangi emas acara 100 meter (m) perempuan dengan catatan 12.39 saat (s).

Beliau mengatasi pelari Vietnam Ngo Thi My Duyen yang meraih perak dengan catatan 12.42s manakala gangsa milik atlet Thailand Jongjit Wilasinee (12.54s), lapor Berita Harian.

Atlet kelahiran Perak itu adalah ratu pecut Majlis Sukan Sekolah-Sekolah Malaysia (MSSM) dengan catatan 12.28s di Seremban, Negeri Sembilan pada bulan lalu.

Sementara itu, raja pecut MSSM,

Danish Iftikhar Muhammad Roslee terpaksa berpuas hati dengan pingat perak acara 100m lelaki selepas mencatat 10.78s.

Bagaimanapun, Danish menebus kekecewaan itu dengan membantu kuartet 4x100m lelaki yang turut dibarisi Dylan Leo Saran Stephen, Danish Irfan Tamrin dan Muhammad Hazriq Cik Mat Kilau memenangi emas menewaskan Thailand serta Indonesia.

Kejayaan berganda Hon Jian-Haikal

SHAH ALAM - Beregu muda lelaki negara Choong Hon Jian-Muhammad Haikal Nazri membuktikan keserasian mantap selepas menjuarai Kejohanan Masters Guwahati 2023 di India pada 10 Disember.

Ia kejayaan kedua berturut-turut dalam tempoh seminggu selepas menjuarai Kejohanan Antarabangsa Syed Modi juga di India pada 3 Disember, lapor Bernama.

Dalam perlawanan akhir di Sarju Sarai Indoor Sports Complex itu, Hon Jian-Muhammad Haikal mengambil masa 39 minit untuk menjinakkan beregu Taiwan Lin Bing Wei-Su Ching Heng.

Regu negara menguasai permainan dengan kejayaan 21-17 pada set pertama sebelum memuktamadkan kemenangan set kedua dengan 23-21.

Ia merupakan penampilan peringkat final ketiga Hon Jian-Muhammad Haikal musim ini, selepas turut mara pada Masters Indonesia, Oktober lepas.

Akur guna sistem kiraan 15 mata

SHAH ALAM - Persatuan Sepaktakraw Malaysia (PSM) akur keputusan Persekutuan Sepaktakraw Antarabangsa (ISTAF) yang memutuskan untuk menggunakan sistem kiraan 15 mata dan setiap regu hanya memperoleh satu servis bagi semua kejohanan mulai 1 Februari.

Presiden PSM Datuk Mohd Sulami Reduan memaklumkan pihaknya akan berbincang dengan ISTAF bagi mengekalkan sistem kiraan 21 mata jika berpeluang berbuat demikian.

"Kami (PSM) sudah ber cadangan (untuk satu servis tetapi kekal 21 mata), tetapi keputusan sudah dibuat jadi kami kena ikut. Maknanya kami akur dengan keputusan ISTAF kenalkan 15 mata kiraan, namun nanti kalau ada ruang perjumpaan (bersama ISTAF) saya akan suarakan lagi," katanya seperti dilapor Berita Harian pada 12 Disember.

MMC sedia perkenal dua kategori baharu

SHAH ALAM - Kejuaraan Motocross Malaysia (MMC) sedia memperkenal dua kategori baharu dalam siri pertandingan tahun hadapan selepas mendapat maklum balas positif pelbagai pihak.

Naib Presidennya Hazlanshah Noor berkata kategori baharu itu bakal menyajikan saingan sengit selepas menerima hampir 400 penyertaan pada tahun ini sejak pusingan pertama hingga pusingan akhir yang berlangsung pada 15 hingga 17 Disember.

"Kita akan tambah satu kategori baru yang dipanggil 'Invitation' di mana peserta dari luar negara dialu-alukan untuk bersaing dengan pelumba domestik."

"Anjuran kita dapat sokongan dari pihak Kementerian Belia dan Sukan serta Tourism Malaysia," katanya lapor Stadium Astro.



BORHAN AMAN SHAH Tanjung Sepat

menyerahkan sumbangan kepada asnaf di Kampung Batu Laut, Sepang



DATUK RIZAM ISMAIL Sungai Air Tawar

ziarah penduduk setempat di Kampung Parit Baru, Sabak Bernam



DR FAHMI NGAH Seri Setia

bersama peserta majlis khatam al-Quran di Surau Darul Hidayah, Subang Jaya



DANIAL AL-RASHID Batu Tiga

bersama peserta kejohanan taekwondo di Seksyen 19, Shah Alam



S PREAKAS Kota Kemuning

mendengar aduan penduduk mengenai masalah banjir di Taman Sri Muda, Shah Alam

SYED AHMAD ALHADAD Lembah Jaya

menyampaikan sumbangan kepada penduduk di Taman Kosas, Ampang Jaya



CHEONG KIAN YOUNG Kajang

menghadiri majlis ramah mesra bersama pengurus penduduk di Kajang



LWI KIAN KEONG Sungai Pelek

bertemu pegawai Agensi Anti Dadah Kebangsaan di Sepang

Pemaju teliti pandangan penduduk

SHAH ALAM - Pemaju projek perumahan Tiara Residence sedia meneliti pandangan dan tuntutan persatuan penduduk berhubung isu pembangunan di padang golf Bukit Jelutong di sini.

Wakil rakyat Kota Anggerik menjelaskan Sime Darby Property (SDP) akan memastikan pembangunan atas padang hijau terakhir kawasan itu mematuhi peraturan dan menjaga kepentingan penduduk.

Najwan Halimi berkata komitmen itu dinyatakan pemaju dalam pertemuan

bersama wakil Persatuan Penduduk Bukit Jelutong (BJRA) baru-baru ini seterusnya menjamin kelestarian alam sekitar.

"SDP juga akan mengadakan perbincangan susulan dengan pihak BJRA demi memastikan penyelesaian tuntas dapat dicapai di masa akan datang," katanya dalam kenyataan.

Pertemuan itu turut disertai Ahli Parlimen Shah Alam Azli Yusof. SDP diwakili Ketua Pegawai Eksekutifnya Dato' Ir Mohd Sohimin Mohd Alayedin dan

BJRA dihadiri Presidennya Zien Hashim.

Memaklumkan perbincangan itu berlangsung harmoni, Najwan yang juga EXCO negeri menghargai keseleasantan pemaju mendengar pandangan, cadangan serta tuntutan persatuan penduduk tersebut.

Pada 18 November, lebih 1,000 penduduk Bukit Jelutong berhimpun bagi memohon pemaju dan pihak berkuasa tempatan supaya tidak meneruskan projek pembinaan 425 unit rumah di kawasan itu.

Seru penglibatan orang ramai, korporat

Sumbang bantuan ke tabung Palestin

Oleh FITRI HAZIM HAZAM

KLANG - Ahli Dewan Negeri Pelabuhan Klang menyeru orang ramai dan syarikat korporat supaya terus menghulur sumbangan sebagai tanda solidariti kepada Palestin.

Menurut Azmizam Zaman Huri, sumbangan melalui badan bukan kerajaan (NGO) yang sah membantu mengurangkan penderitaan rakyat akibat konflik yang berlaku di Semenanjung Gaza.

"Di pusat khidmat DUN, saya memulakan inisiatif di masjid dan surau kawasan Pelabuhan Klang untuk mengumpulkan kutipan daripada orang ramai kemudian akan disalurkan kepada pihak yang sah.

"Saya harap syarikat berkecimpungan di luar sana untuk tampil menunjukkan simpati dan tanda solidariti kepada rakyat Palestin dengan mengadakan program seperti jualan amal," katanya.

Beliau menyampaikan sumbangan syarikat jenama makanan kucing, Misha kepada tabung Palestin di Menara Misha baru-baru ini.

Syarikat itu menghulur RM20,000 kepada Tabung Akaun Amanah Kemanusiaan Rakyat Palestin (AAKRP) kendalian Kementerian Luar dan Tabung Kecemasan Gaza melalui Humanitarian Care Malaysia (MyCARE).

Dana RM100,000 bina jambatan

SHAH ALAM - Jambatan konkrit akan dibina di Kampung Sungai Samak, Rawang tahun depan bagi memudahkan laluan pekebun di kawasan itu, kata wakil rakyatnya Chua Wei Kiat.

Beliau menjelaskan pembinaan kemudahan dengan anggaran kos RM100,000 bertujuan menggantikan jambatan kayu sepanjang 30 meter yang runtuh akibat hujan lebat pada 24 November.



"Hujan lebat mengakibatkan air sungai melimpah deras dan jambatan dibina oleh pekebun sejak lapan tahun lalu roboh. Keadaan ini menimbulkan masalah terhadap akses laluan utama pekebun."

"Saya mohon kepada pejabat daerah dan tanah (PDT) untuk memasukkan peruntukan bagi membina jambatan dengan struktur lebih kukuh tahun depan. Kerja dibuat sebaik permohonan lulus dan selesai proses pengukuran," katanya.

Beliau menambah pekebun terpaksa menggunakan laluan alternatif yang lebih jauh untuk keluar masuk ke tanah pertanian sementara kerja naik taraf itu bermula.

Selain itu, Wei Kiat juga bercadang mewujudkan kampung tradisi di kawasan berkenaan yang kini didiami kira-kira 70 keluarga dengan majoriti Melayu.

"Ada keperluan itu memandangkan kampung itu sudah wujud, cuma tiada ketua selain prasarana tidak memuaskan dan wajar dipertingkat. PDT Gombak diminta membuat kertas kerja," katanya.

Pantau tiga kawasan berisiko banjir

SHAH ALAM - Tiga kawasan sekitar Batu Tiga yang dikenal pasti berisiko banjir diberi perhatian khusus bagi mengelak kejadian tersebut berulang, kata wakil rakyatnya.

Daniel Al-Rashid Haron menjelaskan ada sembilan kawasan berisiko di situ tetapi tiga daripadanya iaitu Padang Jawa, Kampung Kebun Bunga dan Seksyen 24 paling kritis.

"Contohnya di Padang Jawa, kolam tadahan dan pam air telah siap dibina

dan maklum balas mendapat infrastruktur ini membantu ketika hujan lebat.

"Untuk Kampung Kebun Bunga dan Seksyen 24 projek pelaksanaan sedang dalam proses dan saya memantau bagi memastikan pelan dilaksana mengikut perancangan," katanya.

Beliau menambah pihaknya juga menubuhkan pasukan sukarelawan dianggotai lebih 100 individu yang sedia digerakkan pada bila-bila masa jika ber-

laku sebarang bencana.

Negara memasuki musim Monsun Timur Laut mulai November hingga Mac tahun depan. Pelbagai langkah dibuat termasuk mengadakan Simulasi Latihan Pengendalian Bot dan Keyakinan Dalam Air.

Dato' Menteri Besar Dato' Seri Amirudin Shari turut mengarahkan semua pihak membuat persediaan awal pada semua peringkat bagi mengurangkan kesan kehilangan nyawa dan harta.

Edar pelitup muka bendung Covid-19

PETALING JAYA - Ahli Dewan Negeri Kota Damansara berhasrat mengedarkan pelitup muka di sekolah-sekolah susulan peningkatan kes Covid-19 sejak kebelakangan ini.

Muhammad Izuan Ahmad Kasim berkata inisiatif berkenaan bertujuan mengekang penularan wabak berkenaan dalam kalangan pelajar.

"Kes Covid-19 semakin meningkat, begitu juga influenza. Kita tidak boleh halang masyarakat keluar untuk aktiviti, apa yang boleh dilakukan ialah ingatkan mereka untuk pakai pelitup muka."

"Oleh itu, pejabat Dewan Undangan Negeri Kota Damansara akan mengedarkan pelitup muka ke sekolah-sekolah khususnya di sekolah rendah," katanya pada 9 Disember.

Siap siaga hadapi musim tengkujuh

SHAH ALAM - Wakil rakyat Dusun Tua bersiap siaga dengan keanggotaan dan aset pelbagai agensi bagi menghadapi kemungkinan banjir susulan musim tengkujuh mulai bulan ini hingga Mac tahun depan.

Menurut Datuk Johan Abdul Aziz, persediaan termasuk jentera aset daripada Angkatan Pertahanan Awam (APM) dan bot penduduk berada dalam keadaan baik untuk digerakkan jika berlaku bencana.

"Saya sudah memantau segala persiapan yang dilakukan APM termasuk persiapan anggota dan jentera aset yang disediakan bagi menghadapi sebarang bencana."

"Kita juga memastikan dua pusat pemindahan sementara iaitu Sekolah Kebangsaan (SK) Sungai Serai (dan) SK Dusun Tua sentiasa dalam keadaan baik," katanya pada 6 Disember.

Pasang palang atasi masalah jalan rosak

KAJANG - Majlis Perbandaran Kajang (MPKj) memasang palang had ketinggian di Jalan Mutiara, Bandar Bukit Mahkota di sini bagi menghalang lori lebihan muatan menggunakan laluan tersebut.

Wakil rakyat Hulu Langat berkata palang 2.8 meter juga membantu mengatasi isu jalan rosak akibat struktur lapisan atas tapak yang lemah dan tekanan tinggi kenderaan berat.

"Kita menerima banyak aduan termasuk isu kerosakan jalan raya di kawasan ini berikut kenderaan perdagangan (lori lebihan muatan) menggunakan laluan sekitar Bandar Bukit Mahkota."

"Justeru, pemasangan palang pada kedua-dua arah (sebelum ini satu) mampu halang lori lebihan muatan menggunakan laluan ke kawasan perindustrian Nilai 3," kata Mohd Sany Hamzan pada 5 Disember.

Anjur sukan rakyat di Taman Botani

SHAH ALAM - Taman Botani Negara Shah Alam (TBNNA) menganjur pelbagai aktiviti menarik secara percuma sepanjang cuti sekolah mulai 16 Disember.

TBNNA menerusi Facebook memaklumkan aktiviti itu termasuk sukan rakyat dan belon buih gerasi, permainan kembung, lukisan muka dan badut belon bermula jam 9 pagi hingga 12 tengah hari.

Turut disediakan kelas penanaman pokok dan mengenali tumbuhan herba, aktiviti seni dan kraf selain mendekati haiwan terpilih di ladang haiwan Hussian Fauzi.

Tiket masuk RM1 bagi kanak-kanak bawah 12 tahun dan warga emas manakala remaja dan dewasa (RM3) serta percuma untuk golongan orang kurang upaya dan kanak-kanak bawah lima tahun.

Ayuh kunjungi SFV sempena cuti sekolah

SHAH ALAM - Orang ramai dijemput mengunjungi Selangor Fruit Valley (SFV) di Bestari Jaya sempena cuti sekolah ini bagi merasai pengalaman beriadah dalam ladang.

Pusat agro pelancongan negeri memaklumkan pelbagai pakej menarik menanti pengunjung yang ingin memenuhi aktiviti cuti sekolah bersama keluarga.

"Pelbagai aktiviti menarik menanti anda. Jom ciptakan kenangan bersama orang tersayang di sini, macam-macam pakej kami sediakan di SFV untuk anda semua merasai suasana dalam ladang," katanya di Facebook.

Menerusi laman sesawang selangorfruitvalley.my, pakej lawatan yang ditawarkan adalah domestik dewasa, pelajar dan warga emas merangkumi aktiviti pilihan termasuk melawat taman arnab, kambing serta itik.

Harga tiket ialah RM15 untuk kanak-kanak dan warga emas serta RM20 (dewasa), manakala pelancong antarabangsa RM30 (kanak-kanak dan warga emas) serta RM40 (dewasa).

Menangi telefon pintar percuma

SHAH ALAM - Semudah membayar perkhidmatan pihak berkuasa tempatan melalui aplikasi Citizen E-Payment (CEPat), orang ramai berpeluang menangi iPhone 15 Pro.

Peraduan CEPat-CEPat Menang sehingga 29 Februari depan turut menawarkan 36 lagi hadiah menarik kepada mereka yang bertuah.

"Mudah saja, anda hanya perlu melakukan pembayaran cukai taksiran atau pintu, sewaan, lesen, kompaun dan parkir melalui aplikasi CEPat bermula 29 November hingga 29 Februari 2024.

"Bilangan transaksi yang terbanyak sepanjang tempoh penyertaan akan dipilih sebagai pemenang," maklum pengajur peraduan CEPat-CEPat Menang di Facebook.



GIGIH...

Peserta pertandingan perahu tradisional memamer ketangkasan dalam Karnival Ban Canal 2023 di Parit 14, Sabak Bernam pada 10 Disember. Foto FIKRI YUSOF ► BERITA MUKA 8

Sasar pengiktirafan Unesco

Bina taman warisan bijih timah negara

Oleh ZAREEF MUZAMMIL

KUALA LUMPUR - Taman Warisan Lombong Bijih Timah Negara akan dibangunkan di Sri Banting, Sepang bagi merancakkan lagi pelancongan warisan dan budaya di Selangor.

EXCO kebudayaan berkata pembangunan taman seluas 72 ekar bermula sebaik proses lantikan kontraktor selesai manakala pelaksanaannya dijangka mengambil masa empat tahun.

"Arahan diberi supaya kawasan (bagi pembangunan taman warisan) dikenal pasti. Majlis Perbandaran

Sepang (MPSepang) memainkan peranan memastikan kawasan terbabit tidak diganggu gugat oleh pihak lain.

"Kita bimbang jika ada pembangunan tanpa perancangan yang betul, kita tidak boleh jadikan ia sebagai lokasi warisan kebanggaan negara dan dunia.

"Kerajaan Negeri komited merealisasikan pembangunannya bagi mendapat pengiktirafan sebagai Tapak Warisan Dunia oleh Pertubuhan Pendidikan Kebudayaan dan Saintifik Pertubuhan Bangsa-Bangsa Bersatu (Unesco)," kata Borhan Aman Shah pada 4 Disember.

Beliau menambah pembangunan

taman tersebut melibatkan peruntukan MPSepang selain dana sokongan Kerajaan Selangor dan Kementerian Pelancongan, Seni dan Budaya (Motac) berjumlah RM50 juta.

"Kita ada bajet RM3 juta seperti diperuntuk dalam Belanjawan Selangor 2024 bagi kegunaan baik pulih dan bengkel warisan seperti ini. Permohonan juga dibuat kepada Motac, kita harap paling tidak RM30 juta diluluskan," katanya.

Beliau berkata taman yang dijangka beroperasi pada 2028 akan menempatkan struktur Kapal Korek Sri Banting berusia 49 tahun sebagai ikon peninggalan sejarah.

Perkenal pakej golf, pelancongan

PETALING JAYA - Tourism Selangor bakal memperkenal pakej pelancongan sukan golf dan pelancongan perubatan sempena Tahun Melawat Selangor tahun depan.

Pengurus Jabatan Acara dan Pelancongan Fokus Farouli Mustaffa berkata pakej yang menggabung dua kategori itu mampu menggamit pengunjung domestik dan antarabangsa.

"Selangor merupakan negeri yang memiliki padang golf terbanyak di Malaysia dengan jumlah padang golf

mencecah sehingga 29 buah yang boleh diketengahkan oleh pihak kami.

"Kita juga optimis pakej yang akan diperkenalkan dalam tempoh terdekat itu akan mendapat sambutan menggalakkan daripada pelancong tempatan dan luar negara," katanya dalam majlis penutup Kejohanan Golf Selangor 2023 di Kelab Golf Seri Selangor pada 3 Disember.

Kejohanan golf yang memasuki tahun kelima pengjurannya diser-

tai lebih 100 peserta terdiri daripada agensi kerajaan dan swasta serta pengamal media.

Dalam pada itu, Farouli mengalukan kerjasama daripada sektor korporat dan kerajaan untuk bersama menganjurkan kejohanan golf yang lebih besar pada tahun depan.

"Jika kita dapat bekerjasama dengan agensi lain seperti sektor korporat atau kerajaan, ianya lebih baik. Ia memberi kelebihan sekali gus dapat menarik kehadiran pelancong."